

LEZA ULAZIBWA

KU BUBE BWAKWE

 Taata Wakujulu, twa Ku lumba ku coolwe caku tusololela okuno ku Beaumont, Texas, alubo. Mbuli Mbwe langa koonse mu mabbalukoni aya, kwiiabaluka ziindi ne twa kali okuno kaindi, a zintu zipati ezyo Nzyo kacita, taakwe ku zumbauzya bunji bwa bantu abo bali kkede oonse awa sunumasiku. Ikuti na Niwa takaguma mibili yabo iciswa, niba taba okuno sunumasiku, pele Wa kacita, nkabela bali waano. Ziibalusyo zinji zila enkela, ziyo inka koonse a ndiswe mu Butamani.

² Twa komba kuti Uyo tupa kutilwa kupati kwa Muuya. Ko tulongezya antomwe. Ko longezya mambungano oonse, mamembala oonse.

³ Elyo, Mwami, kapati longezya mukwesu uuyandwa musyoonto okuno, Mukwesu Pearry Green, weendeenda kumbele kusoleka ku bikka Eci. Akube kuti bantu ba—ba dolopo eli bbotu babone i—i kulimvwa kuti oyu mwaalumi musyoonto kuli nca jisi ku bantu okuno, kuba leta kuli Kristo oyo ngwa yandisya. Elyo uli mukusola kunjizya mulimo uli oonse oyo ngwanga wayeeya kuti uli kabotu, oyo ngwa kalangalanga kwiinda ku Ijwi, nkabela uyanda kubona bantu kuti bafutulwa.

⁴ Ko tugwasya, Taata, mu nguzu zyesu, mbuli mbo tulipa lwesu kuli Nduwe ku mulimo, ku lulemeko a bulemu bwa Leza. Twa cilomba mu Zina lya Jesu. Ameni.

⁵ Lino, twa... koyeeya buyo, busiku abumwi lino, koleteleyza muntuumwi, na kuba ku luwaile a kwaambila muntuumwi, a kwaambila beembeli boonse, mbungano zyoonse. Takukwe makani a mbo cibede, nekubakuti taba zuminani a ndiswe, kufumbwa kuti bakonzya kubako, kukkala azyuuno, kulilemeka a kuba babotu, tula mulumba ncobeni kuba kokuno.

⁶ Elyo lino koleta Bbaibbele lyako, koleta mpesulo, bamba cibalo. Koya, ka zilingule, zilingauzye ku Ijwi kubona ikuti na zili kabotu na pe. Wabona? Elyo mpawo utabwezi lwiyyo lwako lwa bukombi, ko cibweza nzila Bbaibbele mbo lilemedwe. Wabona, ziindi zinji inga twaamba kuti, “Ca amba eci, eci nceeci Nee caamba.” Leza tayandi sikupandulula uli oonse, Ula pandulula Ijwi Lyakwe Mwini. Mwabona?

⁷ Leza wakati, “Akube mumuni,” nkabela kwakaba mumuni. Eco tee ca kayanda—kayanda bupanduluzi buli boonse. Wa... Ca kacitika buyo munzila Nja kaamba. Wa kati, “Ii nakalindu

uyo mita,” nkabela wa kacita. Eco ta ciyandiki bupanduluzi buli boonse.

⁸ Leza wa kasyomezya zintu zimwi ku bukkalo obu ezyo zyeedele kucitika! Wa ka caamba, ta ciyandiki bupanduluzi mpawo. Leza wa kaamba booboo, nkabela Ula pandulula, Mwini, aboobo nkikaako Bbaibbele lyakati Talikwe bupanduluzi bwa kumuntu pe. Leza ula pandulula Ijwi Lyakwe Mwini kwiinda kuku Li simpikizya.

⁹ Lino Nda libuzya na inga twa imikila kuciindi notubala Ijwi Lyakwe, kuzwa ku Bbuku lya Bahebrayo, cipati 1. Kaambo Nce mulombela kwiimikila, nku kulemeka Ijwi eli. Nda syoma kuti Ijwi ngu Leza, “Ku matalikilo kwakali Ijwi, Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mibili wabantu a kukkala akati kesu.” “Jesu Kristo mbobuca nguwenya, sunu, amuya myaaka,” oyo ngo mutwe wa miswaangano yesu yanguzu. Nkikaako, cindi twa bala kulilemba Kwakwe Mwini awa a Ijwi, tula imikila. Cindi twa syomezya busyomesi ku ndembela, cindi ndembela yesu yanoinda, tula imikila mu kulemeka ndembela yesu, cisi cesu, twe lede kucicita. Mpawo, kulainda buti mbo tweelede kwiimikila cindi twa bala Ijwi lya Leza! Bahebrayo1:1-3, mbuli mbo tubala:

*Leza, mu ziindi zyakalekale a mu ziyanza zinji
zyandeene wa kakana za ziindi zyakainda ku matata
kwiinda ku basinsimi,*

*Lino mu mazuba aya akumamanino wa kanana kuli
ndiswe kwiinda ku Mwana wakwe, oyo ngwa kasala
kuba sikukona ku zintu zyoonse, kwiinda kuli nguwe
awalo wa kalenga manyika;*

*Oyo uli mu bwuebesi bwa bulemu bwakwe, a cinkonzya
caka tondezegwa ca buntu bwakwe, akuyumya zintu
zyoonse kwiinda ku jwi lya nguzu zyakwe, cindi alikke
naka salazya zibi zyesu,akkala ku janza lya Sijulu
wamajulu;*

¹⁰ Atu kombe. Mbangaye lino, a mitwe a myoyo iikoteme, banga bayanda kwiibalukwa mu mupailo, kuti kwiinda mu muswaangano oyu, kubusena bumwi, Leza uyoopa kulomba kwako? Nyamuna buyo janza lyako. I Mwami uli bwene janza lyako.

¹¹ Taata wesu Wakujulu, kusika boobu mbuli meso aabuntu mbwakonzya kubona, kwali maanza manji kumaninina. Masimpe ciyubunuzyo ca Mukwesu Green a kuyandisya kwangu kwa kusika, kwa kaliluleme. Lino, Taata, bape kuyandisya kwabo, kweendelana ku Ijwi Lyako a cisyomezyo Cako. Twa batuula kuli Nduwe. Elyo akube kuti maumi esu aeiele ku Ijwi, kutegwa Ijwi likabe mu mibili wabantu akati kesu nkabela kuyoopa bantu lusyomo kuzubula kuzwa ku ciyobwedo cabociliku Julu, eco Jesu ncaka babambila kaindi loko, ku zibi a

malwazi abo, mbuli mbobali mu lweendo. Ko tulongezya lino, twa komba, mbuli mbo tulindila kuli Nduwe kutu yubunwida Ijwi Lyako, aku Li bamba kuba mu mibili wabuntu akati kesu. Nkambo twa cilomba mu Zina lya Jesu. Ameni.

Amu kkale.

¹² Lino inga Nda cita, ikuti na inga mwasoleka buyo ku, mu tendeendi limbi cita buyo cikonzeka nco mukonzya kugwasya, Nda amba kunyamuka a kuya bweenda, mane maminiti buyo atobela ali makumi one aosanwe, makumi osanwe, cintucimwi mbuli ceeco. Lino, i—i kupupa— . . .

¹³ I cintu nca kuti, tu yanda kuziba kuti Bwini niinzi. Elyo obo mbo Bwini bulikke biyo Mbwe zyi, ndi Bbaibbele. Lino, Leza uyo beteka inyika buzuba bumwi, tula syoma obo, nkabela umwi aumwi wesu tobafwika tuyu letwa mu Busyu Bwakwe ku kubetekwa. Ndi jisi bulembu busyoonto bulembedwe awa, a Magwalo ayo Nge yanda kutondeka mu maminiti masyoonto.

¹⁴ Lino amuyeeye, ikuti na Nda yandika kubuzya sunumasiku, “Sa kuli muna Katolika okuno?”

“Iiyi,” inga baamba. Elyo ndiza . . .

“Ee, ino Leza uyoi betesya kunzi inyika?”

Inga baamba, “Imbungano ya Katolika.”

¹⁵ Mpawo inga Nda vviila, “Mbungano ya Katolika ili?” Tazi zuminani. Kuli kuta zuminana kunji loko. Imwi nja Romani, nkabela imwi imbi njaba Griki, a Othodokisi, azimwi zimbi. Tu jisi zinji. Ikuti na inga Nda amba . . .

¹⁶ Muna Methodisti inga wabuka, kwaamba, “Uyo ibetesya kwiinda ku mbungano ya Methodisti.” Ee, ikuti na kuli boobo, mpawo Baptisti tai jisi coolwe. Elyo ikuti na ba ibetesya kwiinda ku Baptisti, mpawo Methodisti tai jisi coolwe.

¹⁷ Nkaambo, amuyeeye, kuta balulula kabotu komwe kuniini kwa Ijwi, komwe (kutali koonse, kutali buyo koonse kampango komwe), kabeela komwe biyo kaniini ka kutasyoma Ijwi, kakala lulu loonse, a kuciswa koonse, buusu boonse. Oyo wakali Eva, mu muunda wa Edeni. Lino ikuti na koonse oku kwakatola eci, ku mulindu omwe biyo kutamvwisywa Ijwi . . . Ta—ta cicita acaaali, waa “kacengwa,” Bbaibbele mbo lya kaamba. “Kacengwa,” ku Ijwi, cakacitya ezi zyoonse, mpawo yebo a Ndime tatu jokeli musule a cintu citaleli ku Ijwi lyoonse.

¹⁸ Lino, Nda syoma, Bbaibbele lilamba kuti Ta kaciti, Ta ndisyomi Leza kuyo betesya inyika kwiinda ku mbungano ya Pentekoste, kwiinda ku Methodisti, Baptisti, na Katolika. Uyo ibetesya kwiinda muli Jesu Kristo, Mbwa kaamba obo. Elyo Kristo ndi Ijwi, “Ku matalikilo kwakali Ijwi, Ijwi lyakali antomwe a Leza, nkabela Ijwi wakali Leza. Elyo Ijwi lyakaba mibili wabuntu a kukkala akati kesu. I mbobuca nguwenya, sunu, amuya myaaka.”

¹⁹ I cintu coonse Mbutamani bupati. Butamani tee bwa katalika alimwi tabu konzyi kugola. Nkikaako, muli Umwi oyu Uutamani mupati wakali bupange, bwa kuba Taata, kuba Mwana, kuba Mufutuli, kuba Sikuponya, a zyoonse ezi zintu zyakali muli Nguwe. Elyo cintu biyo eco cicitika lino, nkutondezya bupange Bwakwe. Nku koonse.

²⁰ Lino, mazina esu akabikkwa mu Bbuku lya Buumi ilya Mwanaambelele kuzwa ku malengelo aa nyika. Elyo cindi Ijwi ne lyuma ceeco, ikuti na kuli mumuni uli omo wa kaanzilwa Buumi, Jesu wakati, “Taakwe muntu unga wa boola kuli Ndime ccita kuti Taata Wangu wamukwela, alimwi boonse abo Taata Wangu mbaka Ndi pa bayo boola kuli Ndime.” Aboobo, nywebo mwabona, ndi Ijwi, cakuzumanana, Ijwi, Ijwi.

²¹ Lino, Ndi yanda ku kanana sunumasiku aa ciiyo, kujana ciiyo kuzwa ku cibalo eci nco twa bala, *Leza Ulazibwa Ku Bube Bwakwe*.

²² Lino, bunji bwa zintuzyonse nzyo tu jana zilazibwa kwiinda ku bube bwazyo.

²³ Lino, tula bona, mbuli mu buumi bwa banyama, mwa bweza mbuli mu buumi bwa bayuni. Lino, mwa bweza mbuli ii—ii yellowhama, cindi kano uluka, a jeibedi, tu boneka kukozyanya loko koonse. Pele bube bwa yellowhama, kala vuKAUZYA mababa ako a kwaadebezya, elyo mpawo kwiinka mujulu aansi, mujulu ansi. Obo mbo bube. Ikuti na mwalandisya, jeibedi kalauluka kanji cakutonkomeka kubinda.

²⁴ Amulangilile kwale cindi aboola, bobwhite, obo mbwauluka. Amulangilile Gambel quail cindi ayutuka, nywebo no bavwimi. Nywebo mwabona, kuli lwaandano. Amulangilile jakicibengele a cibengele muna Wilson, bube bula zibya obo mbwabede.

²⁵ I mbelele mpati kaimvwi ku lubazu lwa cilundu, ikuti na ya kapede sole, cibeela casule nca ntunda cila tuba, cibeela cimbi cilasiyuka. Ikuti na tozi bube bwa mbelele eyo, inga kinooli doe. Mwabona? Mwabona, we elede kuziba bube bwazyo, kuziba mboibede aitali njiyo. Zintu zinji nzyo tukonzya kuya buzumanana ku mwaambila kujatikizya buumi bwa banyama.

²⁶ Mpawo twa selemukila ku buumi bwa bantunsi, bube akati ka mwaalumi a mwanakazi. Kuli lwaandaano. Balo mbantunsi, pele bube bwa bobilo bula ba zibya. Nda kali kubala ciindicimwi cakamana kujatikizya limwi lya mapenzi elyo lya kabikkwa i—i kusunkwa kwa Solomoni, kwiinda kuli namalelo, kuti wakaba a banakazi bamwi bakasamide mbuli baalumi. Elyo Solomoni waka balekela kweenda a kucita zintu zimwi zisyoonto, cakufwambaana wa kati, “Aba mbanakazi.” Mwabona, nkaambo wa kali kukonzya kuziba ku nzila mbo bakalilemeka, kuti i—i bube bwabo bwakali bwa banakazi. Kuli cintucimwi kujatikizya ncico, eco nco ta konzyi kusisa, walo—

walo mwanakazi nkaambo ka bube bwakwe—bwakwe bumu lungulula kuba mwanakazi.

²⁷ Cili buyo mbuli janza lya lulyo a lya lumwensi ku bantu. Bonse mbantu. Nywebo amulangilile, nkabela umwi wabo ubelesya janza lya lulyo aumwi umbi ubelesya janza lya lumwensi. Amulangilile nzila bube bwabo mbo bubazibya, inga wakonzya kuziba naa babelesya janza lya lulyo na lya lumwensi naanka pe. Mwabona? Nekubaboobo bobilo bali jisi maanza, maanza onse ala kozyanya ncobeni, ala kozyanya ncobeni.

²⁸ Inga ndalokezya cintucimwi ciniini awa. Jesu wakati, muli Matayo, cipati 24, kuti, “Ku mazuba aamamanino, myuuya yobilo iyo tandila kukozyanya maningi mane kuyo cenga mbabonya basale kuti nokwali kukonzeka.”

²⁹ Lino, eco cili mbuli buyo kulanga ku janza lya lulyo a janza lya lumwensi. Ali jisi basyacala oonse, tunwe, maala, tunwe tuniini, tunwe twaakati, zimwi zimbi, cizibyo, tunwe toonse twandeene. Ali, mbata zyacaala, nkuti biyo kuti kamwi kaka nyonenwa nzila imbi, ni mbata zikozyenye, zya kabambwa nzila ikozyenye, mbata zyacaala. Zintuzyoonse zila kozyanya loko, lwaandano biyo mbube bwa ndilyo. Limwi ndi janza lya lumwensi alimbi ndi janza lya lulyo, olo ndo lwaandano lulikke.

³⁰ Elyo eyo nje nzila myuuya mbo iyooba mu buzuba bwamamanino, mboi yooba, bube buyo mbo buuzibya na nguwa Leza na pe. Umwi wayo unoluleme a umwi unolubide, moyo uziba biyo kwiinda ku bube bwa Leza. Cakulondoka buyo, uyooba nzila eyo. Pele janza lya lulyo, inga twa mba lili “luleme,” a lya lumwensi lya kali “lubide,” mwabona, na kupindamuna, limwi lyawo. Ala zibisigwa kwiinda ku bube bwa ngawo. Cilikke biyo mbokonzya ku liziba kwiinda ku bube bwalyo.

³¹ Mbuli Israyeli mu lweendo lwayo, kazwa mu Egepita. Lino, Leza wakali a Israyeli, Wa kabatondezya citondezyo cipati kumusanza okuya, kutuma musinsimi kuli mbabo a kuzibya Ijwi Lyakwe lilembedewe. Elyo mbuli Mbwa ka baleta kutala, tu lalangilila bube Bwakwe, obo Mbwa kaswaangana Musa, zintu Nzya kacita. Elyo mu nzila . . . yakwe kutala, ba kasika ku cisi cimbi, cakali Moabu. Elyo Moabu cakali cisi cipati, lino, kutali cabuhedeni, kutali boobo. Abo bakali bazukulu ba Lota bakazyalwa ku bana basimbi, alimwi bakali basyomi. Lino, amulangilile masi obilo. Cimwi cazyo ncisi cizizilwe, cimwi cimbi ca basikutumbaila buyo. Elyo lino ba kasika ku busena obuya cakuti eci cipati ca Moabu cikkede moonya ncobeni mu nzila yabo ya bulizi, kuya ku nyika ya cisymezyo. Lino ba kaba jisi . . .

³² Amulange ku i—i masi obilo, acimwi caka jisi musinsimi. Umwi wabo wakali mwiiyi a musinsimi mulemu, Balamu. Aumbi wakali Musa. Lino Balamu wa boola kumusanza kuzwa . . . ku zosinganya Israyeli.

³³ Elyo, amubone, bobilo babo bakali ciyandisi cakumaninina. I musinsimi, basikutobela kasimpe keni kuzwa kuli Balamu, kati, “Amundi yakile zipaililo zili ciloba,” oyo mweelwe wa Leza ncobeni. “Elyo bakatuula aa cipaililo acimwi cituuzyo cisalala, musune,” cili nce cituuzyo nciconya nce baka jisi kumusanza mu cilabba ca Israyeli. Elyo wa kati, “Atala aa cipaililo acimwi akwalo amutule a mugutu wambelele,” ku kanana kuboola kwa Kristo. Elyo kumusanza mu Israyeli baka tuula cituuzyo nciconya.

³⁴ Zipaililo nzizyonya, Leza nguwenya, pele umwi wabo wakali lubide a umbi wakali luleme. Elyo lino nzila ilikke eyo njo kali kukonzya kuziba oyo wakali... Cindi nica kaboola, kunzila ya ziyandisi, ku Ijwi, bobilo babo bakali luleme. Pele, nywebo mwabona, umwi, makanze akwe akali lubide, wa kali kusola ku sinkila munyina mu mukondo wa cisyomezyo eco Leza nca kamupa.

³⁵ Cintu cimbi, umwi, musinsimi wa Balamu, wakali ciyandisi, pele musinsimi Musa waka zibisiga kwiinda ku bube bwa Leza. Kwakali Musumpululu wa Mulilo, Mumuni uugambyakwiinda kaulengelela atala lyabo. Elyo kwakali kuponesegwa kupati mu cilabba cabo, Leza uugambyakwiinda wakali kutondezya zitondezyo ziindakugambya. Elyo bakali kkede mbubonya mbuli Ijwi lya cisyomezyo eco Leza nca kapa Abrahamu eelyo mu ciindi ayo masi obile naka talika. Pele, lino, Musa waka jisi cisyomezyo ca Abrahamu, kuya ku nyika ya cisyomezyo. Balamu, awalo musinsimi wa Mwami, kaimvwi kuya kunselelo. Elyo nzila ilikke eyo njo kali kukonzya kuza, kutali kuzwa ku ku kuyiisya kwa mbaakani, pele ku bube bwa Leza.

³⁶ Kwakali kavuumina kaa ii—ii koongolola jwi lya Mwaami kumusanza okuno aba Israyeli. I mulungo wacibi wakali kubeleka, Nzoka ya Mukuba, Mwaala wakaumwa. Elyo Leza wakali a mbabo, kalizibya Mwini mu Mumuni wiindakugambya, a kuponya kuciswa a malwazi abo mbuli mbo bakali kuya bweenda. I bube bwa katondezya obo Mbwa kabede, ku kkalikila mu nzila ya Ijwi lya bukkalo obuya, ku bukkalo obo mbo bakali kuponamo. Bube bwa Leza bwaka muzibya Mwini antoomwe a Musa. Mwabona, bube bwa Leza bwa kazibwa antoomwe a Musa. I Musumpululu wa Mulilo, mulungo wacibi mu ncito, cigambyociinda, Mwaala wakaumwa, elyo baka...ayalo Nzoka ya Mukuba, kukanana kuponya, alimwi mpawo—mpawo alubo ba kali mu nzila ya bulizi, ya cisyomezyo ca Leza.

³⁷ Alubo, bube bwa Leza tabuli bwakunyama. Bube bwa Leza ncigambyociinda, nkaambo Ngu Cilenga. Walo Neigambyociinda. Elyo cindi bube bwa Leza bwatalika ku litondezya bwini, bula gambya maningi ku kuyeeya kwa sunu cakuti kuba gusya mu nzila. Taba konzyi ku Bumvwisya, nekubaboo Ta leyi kuzwa ku cisyomezyo Cakwe. Leza mu makkalo onse, Nda kaamba, kapa caabilo ca Ijwi.

³⁸ Atu bweze buyo, kupa mukozyanyo, omwe. Kwakali Josefa, mulumi wa Mariya. Elyo lino wa kali tangide ku mulindu oyu muniini, nkabela ba keelede kuyo kwatana. Pele mpawo kabatana kuswaanana, waa janwa a mwana wa Muuya Uusalala.

³⁹ Lino, toonse tula syoma obo, ikuti na tuli Banakristo. Twe elede kusyoma booboo kutegwa tube Banakristo. Elyo ndi Bbaibbele. Twe lede kusyoma Ijwi lyoonse mu Bbaibbele, kuba Banakristo. Lino, nkaambo Muuya Uusalala uli *moomuno*, Uyo zuminana ku Ijwi lyoonse a cisymezyo coonse antoomwe a “ameni.”

⁴⁰ Nkaambo, lino, Josefa wakali muntu ululeme, wa kali muntu uli kabotu. Elyo taakwe kuzumbauzya kuti Mariya waka mwaambila kuswaya kwa Gabriyele, aboobo mbwa keelede kuyo vunikilwa kwiinda ku Muuya Uusalala, alimwi wa keelede kuyoomita a kuzyala Mwana, a Zina Lyakwe ly a keelede kwiitwa kuti “Jesu,” obo mbo kweelede kuti wa kaamba ceeco kuli Josefa. Elyo Josefa wa kakonzya kulanga mu meso mapati asalaluka, nkabela wa kakonzya kubona busyomesi bwa ncico, nkabela wa kali kuyanda ku cisyoma. Wa kali kuyanda kucisyoma a moyo wakwe wonse, nekubaboo cakali cigambyo maningi, nkabela wa kayeeya ku muleka, cakumbali.

⁴¹ Lino, ikuti na muntu ulisinizizye muli ncico, Leza uyo bamba nzila imwi kutondezya muntu ulya kuti Mbwini. Uli sinikizidwe, ikuti na ulisinizizye. Ikuti na wa Ci bona, nkabela wa Ci tantamuka, mpawo we elede kubetekwa. Pele, ikuti na ulisinizizye a kuti ubone Bwini!

Lino, Josefa wa “kayeeya” buyo. Wa kati, “Ncigambyo maningi!”

⁴² Nje nzila sunu, kuti bantu, baalumi babotu, baalumi bali kabotu, baalumi baziimo zibotu, bakutausi bali kabotu, bunji bwabo, bapaizi abamwi bambi, mbaalumi babotu, pele cisimpikizyo ca cigambyociinda ica cisymezyo ca buzuba obuno ncigambyo maningi, cila baleesya kuzwa ku kusitikila kwabo. Cila cita obo nkaambo citondezya bube bwa Leza.

⁴³ Lino, Josefa, mulumi wakwe, mukuba muntu ululeme, mukutayanda ku muusya nsoni. Ta kakonzya ku cisyoma; wa—wa kasoleka. Pele kuciindi nakali kuyeeya aa zintu ezi, Angelo wa Mwami wakanana kuli nguwe aku mwaambila.

⁴⁴ Lino, Ta elede kukanana lyoonse mu ziloto, Ula konzya kuli yubununa Mwini kuli nduwe kwiinda mu Ijwi,aku kutondezya kuti Cili luleme, ikuti na ulisinizizye bweelede ku kulanga muli Ndilyo a kubona ikuti na mbube bwa Leza obo bulitondezya bwini, pele lyoonse mu lumvwano loonse a Ijwi lyaka syomezegwa.

⁴⁵ A cintu cimbi, Ijwi ly Leza lyoonse lila lulamika bulubizi. Sena mula syoma obo? I Ijwi lila cibamba. Cindi Leza asimpikizya Ijwi eelyo, cila cibamba.

⁴⁶ Lino atu, comwe buyo mu mizeeo yangu Nce yanda kuyeeya. Ta tukootola ciindi cilamfu loko, nkaambo tu yanda kukombela bamwi baciswa. Atu bone. Cindi Jesu, mukuba Ijwi... I Bbaibbele lyakati Wa kali Ijwi. Toonse tula zuminana aceeco, kuti Wa kali Ijwi. Amubone cindi Na kali a myaka kkumi aibili yakukomena. Lino, ta tu jisi bulunguluzi Bwakwe bwakuya ku cikolo. Pele Mulombe muniini wa myaka ili kkumi aibili yakukomena kulampa kutandila *boobu*, balo, bazyali Bakwe, Mariya a Josefa bakainka kutala ku tempele... kutala ku i... kuyo komba ku pasika. Elyo kuciindi niba kainka kutala okuya, ba katalika kujoka ku muunzi pasika nelya kamana, ba kajisi lweendo lwa mazuba otatwe, nkabela tiiba kajana Jesu kuli koonse. Elyo kumalekelo ba ka Mu jana, kumane mazuba otatwe aku Mu yandaula, mu tempele, kaba kazyanya Ijwi ly Leza abaabo ba maalu.

⁴⁷ Elyo amuswiilile kuli Mariya lino. Lino ku bantu ba mubamba kuba kaleza kanakazi, amulange. Nywebo mwabona, i—i mwanakazi wa kacengwa ku matalikilo. Elyo amu mulangilile awa. Ikuti na temwa kacibwene, amulangisisye eci. Waa kati, “Bauso a Ndime twaka Ku yandaula, ca kuzwa misozi.” Amubone, waa kasampaula bumboni (kumbele ly bapaizi abo) obo mbwa kalungulula. Waa kaamba kuti waa “kamita kwiinda ku Muuya Uusalala,” elyo mpaawa wakaita “Josefa” wisi Wakwe.

⁴⁸ Lino amulangilile Mulombe oyo wa myaka ili kkumi aibili yakukomena, mukuba Ijwi ly oora eliya. Wa kali Ijwi lyaka syomezegwa ly oora eliya, Mesiya unanikidwe. Amulangilile eco Nca kaamba, “Ta muzi kuti Nde elede kucita mulimo wa Taata Wangu?” I Ijwi lila lulamika bulubizi. Mwabona, alimwi Cigambyociinda, Mwana wa myaka ili kkumi aibili yakukomena! Nse yeeyi kuti Jesu waka mvwisya eco Nca kaamba, pele Wa kali Ijwi, nkabela Ijwi lila lulamika bulubizi. Mwabona, Wa kalulamika banyina Bakwe, a kubatapatila mu kwaamba obo. Lino, ikuti ni wakali—wakali mulimo wa bausyi Bakwe, nekunga Wa kali a bausyi Bakwe, ikuti na Josefa wakali bausyi Bakwe.

⁴⁹ Pele, mwabona, kubwezwa a kubotelwa koonse kwakwe, mbuli Eva mbwa kabede, a koongelezegwa, baa, waa kaamba, “Bauso a Ndime twaka Ku yandaula, ca kuzwa misozi.”

⁵⁰ Wa kati, “Sena ta muzi kuti Nde elede kucita mulimo wa Taata Wangu?” Amubone obo Ijwi mbolili lyakululamika, Lila lulamika bulubizi.

⁵¹ Saatani waka lubizya cindi na kasoleka kusunka Jesu. Pele Wa kajokela a Ijwi Lyakwe Mwini,aku mu zunda kubelesya Ijwi.

⁵² “Leza,” Bbaibbele awa lyakati, “mu ziindi zyakalekale amu ziyanza zinji zyandeene, kalizibya Mwini ku basinsimi Bakwe, Wa ka kanana ku matata kwiinda ku basinsimi.” Lino, kutondezya bube Bwakwe bwaku lizibya Mwini, mwabona, ku muntu, Wa kakanana ku basinsimi. I basinsimi, zilengaano zyabo, zyakasimpikizigwa, bwa—bwa kali bube bwa Leza bwa kazabisigwa kwiinda ku cilengaano ca musinsimi.

⁵³ Lino, taakwe muntu ukonzya kupandulula cilengaano, taakwe nzila ya kucicita. Ncigmatbyociinda. Ncintucimwi eco ncobona mbuli mbo cakabede, mbo cibede, aceeco ciyooba. Elyo eyo yakali nzila ya Leza, ya kutuma muntu oyo wakakanana zintu ezyo a kutondezya zintu ezyo ziyo boola kucitika (kutali masiku alikke) masiku aamwi, ciindi acimwi. Zintuzyonse nzya kaamba zyelede kulondoka antoomwe a Mwami, keelela kuba Ijwi lya Mwami.

⁵⁴ Kuli ceeci, zipego a kwiitwa tazikwe kweempwa. To konzyi kubamba meso ako kuti asalaluke kakuli nga bbulu. To konzyi kuli lampya kwa tukokola tuli cisambomwe kakuli uli biyo tukokola tone. “Nguni uyeeya kuti inga wa yungizya kakkyubbu komwe ku ciimo cakwe?” Swebo tuli, toonse, mbo tubede ku luzyalo lwa Leza.

⁵⁵ Lino, zipego a kwiitwa tazikwe a kweempwa. Basinsimi aba bakazyalwa mbasinsimi. Musa wa kazyalwa kali mwana mubotu. Jesu wa kali Mwana wa Leza, kuzwa ku malengelo aa nyika, bupange bwa Leza. Jeremiya... -kkumi aibili, myaka ya myaanda ili ciloba a kkumi aibili, Nda syoma mbo yakabede, katana akuzyalwa, wa kali jwi lya umwi... Peepe, Amu ndijatile. Wa kaanzwa kuba musinsimi ku masi, alimwi waka—waka salazigwa mwida lya banyina a kwaanzwa kuba musinsimi ku cisi. Johane Mubapatizi, eco Nce yeeya, mukuba myaka ya myaanda ili ciloba a kkumi aibili ka tana ku zyalwa. Wa kali jwi lya umwi woompolola mu nkanda.

⁵⁶ Mwabona, ngu Leza ubikka. Ula tuma muntu, kubweza Ijwi lya bukkalo obo. Pele lino kotana syoma Ijwi elyo lya bukkalo obo, Ula lizibya Mwini mu bube Bwakwe, mwabona, kwiinda ku luzibo, kwiinda ku cilengaano. Wa kaamba zintu ezyo zyakali noyocitika, nkabela zila citika. Elyo Leza wakati, “Cindi eco cakicitika, mpawo amu kasyome kuti ujisi bupanduluzi bwa Ijwi, nkaambo Ijwi lya Mwami liboola ku muntu oyu.” Elyo zyelelo zyakwe: ula zibwa kwiinda mukuba mulunguluzi, mu Cizuminano Cakale. Cantangalala loko buyo mbuli mbo cikonzya kuba! Bube Bwakwe bulazibwa, kuyubununwa, bupange bwakwe.

⁵⁷ Lino, nje nzila “Leza mbwa kabeleka mu ziindi zyakale,” Bbaibbele lilaamba, “mu ziindi zyandeene, Wa kakanana ku matata kwiinda ku basinsimi, pele mu mazuba aya

aakumamanino kwiinda muli Jesu Kristo, Mwana Wakwe, Ula kanana.”

⁵⁸ Lino, Jesu wakati, muli Johane 10:37, “Ikuti na Nse citi milimo ya Taata Wangu, nkokuti muta Ndi syomi.”

Mwabona, ba kati, “Uli Muntu, nkabela Uli bamba kuba Leza.”

⁵⁹ Wa kati, “Ikuti na Nse citi milimo ya Taata Wangu, nkokuti muta Ndi syomi.” Lino Wa kati, “Johane wa kali mumuni umwekesya. Nywebo, mupati, mwa kabotelwa kweenda mu mumuni wakwe kwa ciindi ceelede. Lino Johane wakati, ‘Nde elede kuunka; Walo weelede kusumpulwa.’” Wa kali Mumuni wa inyika, nkaambo Wa kali Ijwi lya kasimpikizigwa, kutondezegwa kuba mu mubili wabantu. Mwabona, Wa kali Leza antoomwe andiswe.

⁶⁰ I basinsimi wakali Leza a mbabo. Jesu wakamba obo. Wa kati, “Ikuti na mwiita abo Ijwi lya Leza nko lisikila kuti, ‘tuleza,’ mbobuti mbo munga mwa Ndi pa mulandu cindi Nda mba kuteeti Ndi Mwana wa Leza?” Mwabona? Aboobo oko Ijwi nko lya kaambwa aa Leza nkusimpikizigwa, mpawo oyo ngu Leza kuliyubununa Mwini kwiinda ku bube Bwakwe, kuzulizya Ijwi Lyakwe. Tali yandiki bupanduluzi. Lya kalipandulula kale, Lini, tondezya mbo Li bede.

⁶¹ Mbubonya mbuli Mbwa kaamba kuti, “Akube mumuni,” nkabela kwakaba mumuni, to elede kwaamba kuti, “Ee, ino cakali kwaamba nzi?” Ca amba mbubonya, mboobo mbocibede, cila citondezya. Ca kacitika kale.

⁶² Lino Jesu wa kaamba kuti, “Ikuti na Nse citi milimo ya Taata Wangu,” na majwi amwi, “ikuti na Ta ndijisi bube bwa Taata Wangu, muta ci syomi. Bula zibya ciimo Cangu, obo Mbo Ndi bede. Ikuti na tamu konzyi ku Ndi syoma, mpawo amu syome cizibyo eco Leza nca kapa. Ikuti ta—ikuti tamu citi... Ikuti na Nse citi, ikuti ciimo Cangu tacizibyi busena Bwangu, nkokuti tamu syomi kutaminina Kwangu.” Mwabona? Mwa cijata na sunumasiku? Mbangaye ba cimvwisya, nyamuna janza lyako. Mwabona? “Ikuti ciimo Cangu tacizibyi Obo Mbwe taminina kuba,” wa kaamba Jesu, “nkokuti amu syome i... Ikuti na tamu konzyi ku Ndi syoma, baa, amu syome buyo i—i—i cizibyo ca ciimo obo Mbwe bede.”

⁶³ Johane 14:12, “Oyo usyoma” Jesu wakati “ali Ndime, milimo eyo Nje cita uyo icita awalo.” Lino amulange, “Oyo usyoma ali Ndime,” musyomi wini, “milimo eyo Nje cita uyo icita awalo.” Amubone. Mu majwi amwi, mbuli boobu, “Oyo usyoma ali Ndime, uyo zibisigwa kwiinda ku bube Bwangu, milimo.” Lino, obo mbombubo Mbwa kacita. Wa kati, “Ikuti Nse citi milimo ya Taata, mpawo muta Ndi syomi.” Elyo Taata waka kanana ku basinsimi, nkabela obo bwakali bube bwabo, cizibyo. Mbubonya mbo cakabede kuli Jesu. Elyo kacisyomezya kuli nguwe oyo

usyoma, "Bube Bwangu buyo cita muli nguwe mbubonya mbuli mbo bwakacita muli Ndime. Elyo ikuti na Nse citi milimo ya Taata Wangu, nkokuti muta Ndi syomi. Pele ikuti na Nda cita milimo, nkabela tamu konzyi ku Ndi syoma, nkokuti amu syome milimo, nkaambo ya kaambwa, yeelede kuba."

⁶⁴ Wa kati, "Amulingule Magwalo, nkambo muli Ngawo mu yeeya kuti mu jisi Buumi Butamani, nkabela Nge Ngawo ayo amwaambila Obo Mbwebede." Oyo wakali Jesu, mwabona, Leza waka yubululwa, kuli tondezya Mwini. "Nga Ndi lungulula Obo mbwebede." Eco cibamba ba Hebrayo 1:1 lino, "Leza mu ziindi zyakalekale waka kanana kwiinda ku basinsimi," cantangalala kuzibya bube lino bwa bubuke bwa Mwana Wakwe. Leza waka kanana kwiinda ku basinsimi kaindi, kwiinda mu Mwana Wakwe lino. I Leza uutakwebucince, bube mbubonya, "Milimo eyo Nje cita, muyo icita anywebo." Leza, kazibwa kwiinda ku bube Bwakwe bwatondezegwa. Obo mbo muziba.

⁶⁵ Yebo wati, "Ee, Nda kwaambila *obu*, twiimba *boobu*, tu cita *boobu*, nkabela tula cita." Eco tacili Nce wambaula.

⁶⁶ Nda ambaula kujatikizya Ijwi lya kayubululwa a kuzibya i... kuli ncico, bube bwa Ijwi lyaka syomezegwa ku bukkalo.

⁶⁷ Balo ba Farisi baka lilizi kabotu Bbaibbele eliya mbuli muntu oonse, kabotu kwiinda umwi wesi tu bapaizi mbo tuzi esu sunu. Ba kacita kuponena kuli Ndilayo. Ba kajisi bamasyanyinakulu bapati-bapati bakali bapaizi. Ba ka Li iya, sikati a masiku, nkabela ba kakakilwa kubona eliya Ijwi lya katondezegwa.

⁶⁸ Sunu, Luther wakati, "Cindi mwa syoma, muli Li jene." Ba Methodisti balati, "Cindi waongolola, uli Li jene." Ba Pentekoste bakati, "Cindi nomwa kaamba mu myambo, mwakali Li jisi." Tu jana kuti koonse oko kulilubide! Bamwi babo bakati, "I mucelo wa Muuya nku Li jana." Elyo kuli lubide! I citondezyo cilikke nku, nku cindi kusimpikizigwa, cindi Leza Mwini alizibya Mwini mu Ijwi lya kasyomezegwa ilya oora. Mboobo we.

⁶⁹ Nguni waka jisi micelo minji ya Muuya kwiinda bapaizi bakale basibuuya, bakapalula bana a kuba leleka, a zintuzyonse zimbi? Elyo ngooyu mulombwana Jesu wakaliko, wakaboola koonse, kapindamuna zijailo zya zituuzyo zyabo, waka balanga ca bukali, ku bauma, ku batandila anze, taakwe cizibyo ca cintu. I Lugwalo nce cizibyo ca bube Bwakwe! Ta kajisi kkaadi lya luswaanano, Ta kali kuzulilwa ku kabunga. Pele Leza wakaamba zya Nguwe, eco cakali cizibyo Cakwe!

⁷⁰ Eco nce cizibyo cini ca Leza mu oora lili lyoonse, cizibyo Cakwe. Mbo cibede, Magwalo ayo akasyomezegwa, aka zibisigwa kwiinda ku bube bwa cisyomezyo uli ngu Leza, alimwi Leza ndi Ijwi. Elyo bube bwa cisyomezyo eco kacizibwa, eco cibamba musyomi. Jesu mbwa kaamba obo, nkabela eco cila cibamba. Ameni.

⁷¹ Amubone, lino tu jana kuti, bube bula Mu zibya. "Ikuti . . ." Wa kati, "Ikuti na tabu ciciti, mpawo muta Ndi syomi." Lino, Jesu waka kanana kuti buyaku Mu zibya.

⁷² Elyo lino amuyeeya, kuti mu mazuba aya, mazuba aya aakumamanino, kaamba ba Hebrayo1:1, "Leza, mu ziindi zyakalekale a ziyanza zinji zyandeeene, waka kanana ku matata kwinda ku basinsimi. Mu buzuba obuno bwamamanino wa kanana kuli ndiswe kwiinda mu Mwana Wakwe, Jesu Kristo." Mwabona? Cizibyo ca Leza Mwini wayubululwa mu ciyanza nciconya mbuli Mbwa kacita cindi ca kamana, kabelesya bube Bwakwe mbubonya. Ameni. Amubone ba Hebrayo13:8, ilati, "Ngu mbobuca nguwenya (ziindi zyakalekale), sunu, amuya myaaka mbobuca!" Ciyanza Cakwe nciconya, nzila Yakwe njionya, bube Bwakwe mbubonya, zintuzyonse nzizyonya! Leza, Leza utakwebucince takonzyi buyo kuzwa ku bube obuya mbuli Mbwa takonzyi kuzwa ku mulazyo Wakwe. Obo Mbwa bede, Walo ndi Ijwi. Walo ndi Ijwi lya oora. Walo ndi Ijwi. Cindi Na kalenga inyika, eelyo lyakali Ijwi. Cindi Na kalenga muntu, eelyo lyakali Ijwi, bupange Bwakwe. Cindi Na kalenga Kristo, oyo wakali Leza, Imanueli. Alimwi cindi Na ka Mu bamba kuba Mufutuli, obo bwakali bupange Bwakwe. Cindi Na ka Mu bamba kuba Musilisi, obo bwakali bupange Bwakwe. Mwabona? Lyakali Ijwi lyoonse kali zibwa, Ijwi lyakazibwa kwiinda ku bube bwa Leza. Amubone ciyanza, Mbwa bede lyoonse, Ta cinci pe.

⁷³ Amulange baalumi botatwe bakasika kuli Abrahamu, kabakkede ku mulyango wa tente lyakwe buzuba obo. Tuyo mulanga awo kwa maminiti masyoonto. Wa kaboola, wa kaitwa kuzwa ku inyika ya Chaldia, bana Chaldia, a munzi wa Ur. Wa kagusigwa kuzwa ku munzi wakwe, kwiinda ku milawo ya Leza, kuti alyandanye kuzwa ku kutasyoma koonse. Obo mbo bube butaanzi bwa Leza, kulyandaanya lwako kuzwa ku kutasyoma, cindi Ai ta muntu!

⁷⁴ Elyo Wa kapa cintucimwi ca cimaninizyo, cata kali kukonzeka kumaninina ku mizeeo ya kunyama, ku cisyoma. Wa kati, "Abrahamu, bako . . ." Wa kali aa myaka ya makumi ali ciloba ayosanwe, alimwi Sara kali myaka ya makumi ali cisambomwe ayosanwe. Ba, oyo wakali mucizi kucibeela, ba kakkala antoomwe eyi myaka yoonse kaba tajisi mwana. Wa kati, "Ndiyo kupa mwana kwiinda kuli Sara, nkabela uyo, kwiinda muli nguwe, Ndiyo kubamba wisi wa zisi zinji." Lino, wa ka cisyoma.

⁷⁵ Ciindi ca kaindilila, takukwe kucinca muli Sara. Mwabona? Waa kali indilide kukomena, waa—waa kali ndilide ku ciindi cakuleka kupasukilwa. Makumi ali cisambomwe, waa cita kwiindilila ku ciindi eco. Abrahamu, makumi ali ciloba ayosanwe, mibili wakwe mbuli buyo ufwide. Zyalilo lyakwe lyakali mbuli buyo lifwide. Pele Abrahamu taakwe naka

zungaana ku cisyomezyo ca Leza, kwiinda mu kutasyoma. Wa ka zumanana kusyoma, nkaambo Leza waka caamba, alimwi wakali lamidwe, “Ikuti na Leza wa ka caamba, bube Bwakwe buyo leta eco Nca kaamba!” Lino, twe elede kuba bana ba Abrahamu, Lunyungu lwa Abrahamu! Kuyabuya, kuyabuya, myaka ili makumi obile ayosanwe yakainda. Kakutakwe lwandaano muli Sara, taakwecintu, waa cembeede buyo maningi, ka ongomene, alimwi awalo mbubonya. Pele nekubaboo Abrahamu wa ka cisyoma.

⁷⁶ Elyo buzuba bumwi, cindi Leza na kabona kuti mulanda Wakwe wakali kanzide kuba cikozyanyo ku bantu ba sunu, nkabela kwiinda muli nguwe kuti Uyo longezya zisi, cifumo cimwi cipywa kutandila ileveni okuloko, bantu botatwe bakaboola kabeenda kuya kuli nguwe. Ba kaambaula kuli nguwe. Elyo wa ka batamba kuti bakkale aa zyuuno. Kwakali cintucimwi kujatikizya mbabo eco caka libonya bwandeene ku muntu. Zintu zya kumuuya zilamvugwa ku zintu zya kumuuya. Amubone, nkabela ba kaboola aku kkala aa zyuuno. Abrahamu waka balanga, wa kati, “Mwami wangu.” Ncinzi nca keelede kucita?

⁷⁷ Bobilo babo bakainka kumusanza a kuyo kambaukilisa Sodoma, buli mbumboni bwa buzuba bwasunu. Nzeezyo nkamu zyanu zyotatwe zya bantu: Sodoma, a mbungano kumusanza mu Sodoma, Abrahamu i Musale tali mu Sodoma. Batumwa bobilo, Billy Graham wa busyasunu ii... Amuyeeye, zya batumwa boonse ku mbungano, takunabede muntu wakasola kwiinka muli iilya mbungano ya kuzina buyo, uumanizya a h-a-m ku zina lyakwe, kaindi. Kwakali Finney, Sankey, Knox, Calvin, abamwi bambi, Billy Sunday, a zintu zimbi zyoonse, pele takunabede G-r-a-h-a-m, naanka umwi kumanizya a h-a-m, elyo lyaamba “wisi wa zisi.” Ngooyo wa kainka kumusanza okuya, ka kambauka. Amulange ku oora! Mbaaba bakombi balicengzeezya, batasyomi, a basyomi. Bantu aba botatwe bakasika. Bobile babo baka selemukila mu munzi, Billy Graham a Oral Roberts ba syaasunu baka selemukila akati ka bantu, kaba kambauka.I bubambe, Jesu mbwakali kutondeka.

⁷⁸ Amubone, i Musale wakali kuboola... ka kkede alya anze awa, Abrahamu a nkamu yakwe. Elyo cindi Muntu oyu naka kkede a Abrahamu, amu Mu langilile, Wa katondezya bube bwa Leza, nkambo Wa kati, “Uli kuli Sara?” Zina lyakwe wakali Sarai, ka butana sika buzuba; lino ngu Sara, S-a-r-a. Kati “Abrahamu,” kutali Abramu, “Abrahamu, uli kuli mukaintu wako, Sara?”

Kati, “Uli mukati mu tente kunze Lyako.”

⁷⁹ Kati, “Ndiyo muswaya.” Mpawo Abrahamu wa kaswiilila ku mubandi oyo. “Ndiyo muswaya kweendelana ku ciindi ca buumi.”

⁸⁰ Elyo Sara waa kaseka, mbuli mbo cakabede, kasekela mu kati kamoyo, kuli lwakwe, nkabela wakati, “Mebo nde mucembele, a mwami wangu ulicembeede, kuti tuyooba kulya musaalo alubo mbuli baalumi a banakazi bakubusyi? Mbali kuciimo—mbuli ku nkumbatano ya buntu, andiza, kwa kaindide myaka minji. Mebo?” Waa seka.

⁸¹ Elyo Muntu, kalangide kuli Abrahamu, Sara mu tente kunze Lyakwe, kati, “Nkaambonzi Sara waseka, kwaamba zeezi, ‘Mbobuti mbo zinga zyaba zintu ezi?’” Wa kalizibya Mwini.

⁸² Elyo Abrahamu waka Mwi ita kuti “Elohimu.” Lino, kufumbwa wanu no babali ba Bbaibbele ulizi eco. Elohimu, Leza, Umwi ulijisilidi zyoonse, mwabona, kazibwa mu mubili wabantu oyo wakali kulya nyama ya moombe, kanywa mukupa uuzwa ku ng’ombe, a kulya cinkwa a bbata. Elohimu waka zibya bube bwa Leza, nkabela Abrahamu waka Mwiita kuti “Leza.” Ncinzi? Wa ka zibwa, Elohimu!

⁸³ Jesu wakati, muli Luka, cipati ca 17, cindi mu mazuba aakumamanino (Leza mu ziindi zyakalekale waka kanana kwiinda ku basinsimi, mu mazuba aakumamanino kwiinda ku Mwana Wakwe), lino amulangilile, Wa kati, “Mu ciindi eelyo Mwana wa muntu ano yubununwa.” Amulangilile, “kuyubununwa,” kuzibisigwa mu mazuba ano akumamanino kakutanaba mamanino, cindi Mwana wa muntu ano yubununwa, obu bubambe bwa Sodoma buyo jokela. “Mbali mbo kwa kabede mu mazuba akwa Sodoma, mbubonya mbo kuyooba ku kuboola kwa Mwana wa muntu, cindi Ano yubununwa, kuzibisigwa ku Mbungano, kuba Basale (kutali ku Sodoma na bana Sodoma, na bamwi kumusanza mu Sodoma), ku Basalidwe.” Abrahamu wakali Salidwe. Elyo Lunyungu lwabwami lwa Abrahamu mbasyomi, kwiinda muli Kristo Jesu i Ijwi, alimwi Mbasale. Elyo cindi Mwana wa muntu ano yubununwa, obuya bubambe buyooba alubo.

⁸⁴ Amulange inyika sunu. Ikuti na taili Sodoma a Gomora izizilwe, Ta ndina bwene yomwe. Sodoma a Gomora! Amulange mbungano, mbuli Lota kakkede okuya alimwi kapenzya buyo muuya wakwe uululeme mbuli mbwa kabona zibi zya Sodoma. Ii bakutausi banji kabakkede muli bwakwe... I muntu uli kabotu kakkede mwa kubalila kwakwe, kabamba ciyyo cakwe azimwi zimbi, kusondela mu kagwagwa a kabona banakazi kabasamide zigonkolole, a bwaamu a zintu, azintu kazicitika boobo, ta konzyi kwaamba cintu kujatikizya ncico, kabunga kakwe kayo mutanda. Loti ta kajisi camba ca kwiiminina Eco caka luleme, mbo ibede Sodoma a Gomora ya busyaasunu mazuba ano.

⁸⁵ Pele kuli bamwi ba baabo bali anze lya Sodoma, abo bazyalilwa anze okuya, kutali ku luyando lwa muntu, pele kwiinda ku luyando lwa Leza a Lunyungu lwa Leza. Amubone cizibyo okuya, kutali kukambauka buyo, pele citondezyo cazibya

Ijwi ly a Leza akuba mu mubili wa muntu. I bubambe bulu jokela mbuli mbo kwakabede, nkabela kuli mbubonya ku buzuba obuya. Zintuzyonse zili londokede, zintuzyonse zilibambidwe moonya mu bweende. Nda lombozya notwa jisi ciindi caku cizumanana maminiti masyoonto, pele ta tujisi, aboobo tuyu bindaana. Bubambe bweelede kusintanisigwa alubo mu mazuba aakumamanino.

⁸⁶ Lino, ba Hebrayo 10:1, “Leza, mu ziindi zyakale, kwiinda ku basinsimi, kalizibya Mwini. Elyo mu mazuba aakumamanino walizibya Mwini kwiinda ku Mwana,” ku Mu bamba kuba Hebrayo 13:8, “mbobuca nguwenya, sunu, amuya myaaka.”

⁸⁷ Amubone, Leza, mu ziindi zyakale, wakakanana kuli Musa. Elyo lino, nkabela amuyeeya, Wa kalizibya Mwini kwiinda ku Mumuni, Musumpululu wa Mulilo mu citeo ciyaka. Obo mbombubo Mbwa kacita mu ziindi zyakale. Elyo Wa kakanana kuli Musa. Elyo Mumuni ulya, ino Wa kacita nzi? Wa kazyala bube bwa Leza, Wa kaamba Ijwi, “Nda mvwa kulila kwa bantu Bangu kumusanza mu Egepita. Nda bona kutongela a kulila kwa bantu bangu, elyo Nda yeeya Ijwi Lyangu. Ndiyo seluka, Musumpululu wa Mulilo, Mumuni, kuunka a kuyo vuna bantu. Nda ku tuma, Musa.”

⁸⁸ Amulangilile bube bwa Leza. Kubweza suko mu janza a kuli waala mu luwo, nkabela ly a kasanduka kuba ntabwa. I bube bwa Cilenga ibwa Leza bwakali muli Musa.

⁸⁹ Elyo Musa wakakanana, muli Deutronomi 18:15, a kuti, “I Mwami Leza wanu uyobusya Musinsimi uli mbuli ndime.” Lino amulangilile, eelyo ndi Ijwi alubo, bube. Leza kakanana kwiinda muli Musa, kubaambil kuti Mwami uyo busya Umwi mbuli nguwe. Lino amubone obo bube bwa Jesu bwaka Mu zibya kuba Ijwi eli lyaka syomezegwa. Cindi Musa na kaamba kuti kuyooba, ciimo ca Jesu caka lizibya. Amubone lino, “I Mwami Leza wanu,” oyo ngu Leza, elyo ndi Ijwi, “uyo busya Musinsimi uli mbuli ndime. Kufumbwa muntu utakasyomi Musinsimi oyo, uyo nyonyoonwa kuzwa ku bantu.” Lino amulangilile, cindi Jesu aboola, mpawo mbube bwa musyobo nzi Mbwa keelede kuba ambubo? Mwabona, amubone lino Ijwi lyaka syomezegwa, Wa kasyomezegwa kuyooba Musinsimi mbuli Musa.

⁹⁰ Lino, ba kali jisi bamaiyi bamisyobo yoonse, misyobo yoonse ya marabi. Tee baka jisi musinsimi kwa myaka ili myaanda yone, kuzwida—kuzwida Malaki, nkabela lino mpoonya awo mpaawa kwaboola Muntu a cilawo.

⁹¹ Lino, kwakali bazeli, bobile babo, bana ba muntu, nkabela umwi wabo, zina lyakwe wakali Andreya, alimwi zina ly umwi wakali Simooni. Ba kali ambilidwe kwiinda kuli wisi obo mbo bakali kweelede kulangisisya mu mazuba; kwakali zintu zinjanji zyakali zyabubeji zyakabuka. I muntu mudaala... Nda kabala kabbuku kaniini ciindi cimwi, oko, ambweni inga

kakali kaano kabuyo, Ta ndizi, kuti wa kati, "Balombe, lino buyo kakutanaba kuboola Mesiya, mbuli mbo tu langila toonse, kuyooba ciindi awo nokuyooba zintu zya misyobo yoonse zicitika. Pele nzila njo moyo ziba Mesiya oyu, Uyo eendelana ku Lugwalo. Uyooba Musinsimi, nkaambo Ijwi lya Leza lyakati Walo Musinsimi."

⁹² Andreya wakamvwa Johane. Ee, cintu cilikke Johane nca kali kucita, nca kusinsima buyo. Nywebo mulizi, Jesu wa kati, "Mwa keenda mu mumuni wa Johane, pele Ndi jisi Mumuni mupati kwiinda wa Johane. Ndi jisi cizibyo kwiinda ca Johane, nkambo, milimo eyo Taata njaka Ndi pa ku cita, ila Ndi lungulula." Johane kakambauka biyo, wa kasololela buyo, ta kacita maleele ali oonse nanka bube bwa Leza bwa cisyomezyo. Pele mpaawa kwaboola Jesu a bube obuya!

⁹³ Simooni wa kainka kuyo Mu swiilila buzuba bumwi, elyo mpoonya biyo... Simooni ambweni wa kainka a Andreya. Andreya wa kali kujanika kuzwa kumatalikilo. Pele, Simooni, cindi na kasika mu Busyu! Lino amuswiilile, mbuli mu kujala. Cindi na kasika mu Busyu bwa Jesu, Jesu wa kamulanga, Wa kati, "Zina lyako ngu Simooni, alimwi uli mwana wa Jonasi." Mwabona, bube bwa ceeco caka syomezegwa bwaka lizibya muli Nguwe.

⁹⁴ Ulya mutu takali kukonzya kusaina zina lyakwe, Bbaibblele lyakati wa kali mutu buyo auta yiide. Pele cakali cizibyo booboo, cakuti waka lekezya cakufwambaana kutasyoma kwakwe koonse, nkabela waa kati, "Ulya ngu Mesiya ngo twa kali kulangilila!" Yaa, wa Ci syoma.

⁹⁵ Kwakali umwi wakaimvwi okuya wa zina lya Filipo, oyo wakazuzila koonse ku munzi, cilundu, cisi, kutandila mamaile ali kkumi aosanwe, a kujana mweenzinyina, kapiluka anguwe buzuba bwa katobela, wa zina lya Nataniyeli. Wa kamujana kunsi aa cisamu, kakomba. Wa kati, "Koboola, ubone Oyo ngwe kajana, Jesu waku Nazareta, mwana wa Josefa."

⁹⁶ Wa kati, "Lino, lino, lino! Sa inga kwaba cintu cili coonse cikonzya kuzwa mu Nazareta, kuzwa mu nkamu ya bantu eyo yaansi kunselelo okuya?"

Wa kati, "Koboola ubone!"

⁹⁷ Oko nkwaamba—kubotu maningi oko kubotu maningi mutu nkvakonzya kwaamba. Uta kkaliku ng'anda akukazya. Koboola ubone, kolingula Magwalo! Koboola, ubone!

⁹⁸ Mu mugwaga koonse, ba keendeenda, kwaambaula eco caka citika, obo mbwa kamwaambilka kujatikizya Simooni kuzibwa kwiinda kuli Nguwe, wisi a bamwi.

⁹⁹ Mpawo cindi nakasika mu mundando, kwayanda kwakali mundando wa mipailo, kwayanda wakali mu bbunga lya bantu, Ta ndizi. Pele kufumbwa oko nkwa kasika, nkabela Jesu waka

muyasa meso kwa ciindi citaanzi, Wa kati, “Amubone mu Israyeli, muli nguwe kwiina luuni!”

Wa kati, “Rabi, ndelili Noka sola ku ndiziba?”

¹⁰⁰ Wa kati, “Katana kwiita Filipo, cindi noli munsi a cisamu, Ndali kubwene.” Eco cakali cizibyo ca bube bwa Leza uunanikidwe.

¹⁰¹ Kati, “Rabi, Uli Mwana wa Leza!” Cakali cinzi? Bube Bwakwe bwaka Mu zibya. Wa kaziba ku Lugwalo kuti oyo wakali Muntu uunanikidwe, Leza wakananikwa mu mubili wabantu. Leza wakali muli Kristo, kayanzanya inyika kuli Lwakwe. Wa kati, “Rabi, Uli Mwana wa Leza. Uli Mwaami wa Israyeli.”

¹⁰² Jesu wakati, “Nkaambo Nda amba ceeco, wa Ndi syoma? Uyo bona zipati loko kwiinda ceeći.”

¹⁰³ Lino, kwakali baabo bakaimvwi ambali, tii bakasyoma Ceeco. Ba kati, “Oyu Muntu ngu Beezebule, Walo musondi.”

¹⁰⁴ Jesu wakati, “Nda mujatila kuli ceeco. Pele cindi Muuya Uusalala wakusika kucita cintu nciconya, bbala lyomwe Kuu sampaula tamu kajatilwi mu inyika eyi nanka inyika iciza.”

¹⁰⁵ Mwabona, mulungo wa cibi tii wakalina citwa pe. Mwabona, tii kwaka konzeka kuba, to konzyi kuba . . . To konzyi kusowelwa mu gehena kotana sika ku lubeta. Cisi eci nicatacita boobo, Leza natakacita alakwe. Mwabona, muli mu busena, kulindila mu nketani zya ntolongo kusikila muka tambule lubeta. Elyo, nywebo mwabona, Ta kakonzya kuba tanda, nkaambo mulungo wa cibi tiwakalina citwa.

¹⁰⁶ Pele nikwakainda lufu, kuzikkwa Kwakwe, nkabela Citondezyo cakayutuka ku Bulowa, Muuya Uusalala, mpawo, Kuu sampaula, ncibi citakwe bujatile. Ibbala lyomwe buyo nku koonee kuoledede Kuu sampaula, kwiina kujatilwa kuliko. Bbala lyomwe Kuu sampaula, mwabona, ino ncintu cipati mbo cibede.

¹⁰⁷ Lino, aboobo mpawo tula jana alimwi, eci caka Mu zibya mbuli Mesiya uunanikidwe. Leza muli Kristo, Mulungo wa ku mazuba aakumamanino, Kristo kabamba mulungo wa ku mazuba aakumamanino. Lino, kuli Nataniyeli, wa—wa—wa ka Ci syoma a ku Mu ziba.

¹⁰⁸ Ngooyo mwanakazi muubauba wakalibonya ku mukalo ciindi cimwi ku Sikamo, muunzi wa—wa Samaria. Jesu wakeelede kwiinda kokuya cindi Na kali mu lweendo Lwakwe kuyabuselemuka, nkoonya kunselelo lya cilundu kuzwa ku Jerusalema, moonya mu Jeriko, pele Wa kazunguluka kwiinda ku Samaria. Kati Wa kali “kuyandika kuunka,” Taata waka Mu sololela kuunka okuya. Cindi Na kaunka okuya, Wa katuma basikwiiya. Elyo waka kkala, kalibuzya, Nda yeyela, mbo cakabede.

¹⁰⁹ Lino amuyeeeye, Musalali Johane 5:19, Jesu wakati, “Ncobeni Nda mwaambila, Mwana takonzyi kucita cintu muli Lwakwe, pele eco Nca bona Taata Kacita.” Lino amuyeeeye, Taakwe nakacita leelee neliba lyomwe, cita cindi Na *kalimvwa*, kuciindi Na kali “bona.” “I Mwana taciti cintu kusikila Wa bona Taata kacicita lutaanzi.”

¹¹⁰ Mwabona, eco citondezya Mbwa kabede, oyo Musinsimi, Leza-Musinsimi. Kwiindilila Musinsimi, Wa kali Leza! Boonse basinsimi mbo bakabede, kwakali muli Nguwe, kusanganya. I basinsimi baka jisi buyo cibeela ca Ijwi. Wa ka jisi Ijwi lyoonse, Wa kali Ijwi mu buzule Bwalyo. Pele amubone, “Leza mu ziindi zyakalekale wa kaambaula mu ziyanza zinji zyandeene, kwiinda mu zibeela ziniini. Mu buzuba obu bwamamanino, buzule bwa Ijwi bwa boola mu Mwana Wakwe Kristo Jesu, Leza wakaba mu mubili wabantu akati kesu.”

¹¹¹ Oyu mwanakazi muubauba, simpuwo mbi, mbo tu mwiita, ziindizimwi, a sibwaamu. Ndiza mwana waka lekelwa mu tugwagwa. Ziindizimwi mbuli lino, talili penzi lya bana kusunda cakumaninina pe, ndi penzi lya kusunda kwa bamazyalii, kulekela mulindu muniini kuunka akulilemeka mbuli booboo. Ndiza mwanakazi muniini mubotu, waa keenda okuya kuti akabweze bbakete lya maanzi, kutandila ileveni okuloko.

¹¹² Lino amuyeeeye, ikuti na mwakasola kuba kumanyika aakujwe, tabana cinca kumwi pe, zicili zilengwa nzizyonya. I mwanakazi aunka, banakalindu bala fuma maningi kuya ku mikalo kuyo teka maanzi abo. Ii sibwaamu na simpuwo mbi takonzyi kwiinka abalo. Taba kasangani antoomwe pe.

¹¹³ Waa kacita kulizandula kuli bamwi bambi kuti azwidilile. Waa kasika, ndiza kakatede, ndiza waa ka jisi mulongwe musankwa oyo mupya, mulumi wakwe masiku ayo. Wa kayutuka, kajisi nongo eyi, wa kiinongomeka ansi. Kai bikka, kaguja kuya ansi, kwiilekela kuya ansi, waa kamvwa Mwaalumi kati, “Ko Ndi letela akunywa.”

¹¹⁴ Wa kalangalanga a kubona Mwaalumi wakukomena kwaakati kati kaimvwi awo, kubaanga nimvvi mu cilezu Cakwe. Wa kali kutandila myaka ili makumi otatwe yakukomena, pele Bbaibbele lyakati Wa kalibonya kuba makumi osanwe. “Yebo uli mwaalumi utaindi ku myaka ili makumi osanwe yakukomena, alimwi Wa amba kuti wakabona Abrahamu?”

¹¹⁵ Wa kati, “Kwalo Abrahamu katanaba, NDIME.” Mwabona? Mwabona, tii baka Ci mvwisya. Wa kali kukunkumuna ziponena aalizimwi kuzwa kuli Nguwe.

¹¹⁶ Sunu twe elede kulombelela a kukombeleya, a kuumaua a kusungilizya, a kusungilizya a kusyomezya Banakristo, ku boola ku mbungano, “Ikuti na baboola ku mbungano, tuyu cita boobu-a-boobu.”

¹¹⁷ Jesu, cindi Na kali aa nyika, Wa ka jisi banji loko bakali a Nguwe. Wa kalanga koonse a kubona mbunga, Wa kali kuyanda kuba gwisya, Wa kati, “Mwatalya mubili wa Mwana wa muntu a kunywa Bulowa Bwakwe, tamukwe Buumi muli ndinyewe.”

¹¹⁸ Sa inga mwaezeezya dokotela kakkede awo? “Baa,” wa kati, “oyu Mwaalumi utu yanda kuba ceelo cinyonka bulowa ku bantu. Kunywa Bulowa Bwakwe? Bufuba! Nywebo nyoonse no bantu amumwaike a kusiya Mwaalumi oyo uunyongene.” Ba kamwaika.

¹¹⁹ Ta ka Ci pandulula. Ta keelede ku Ci pandulula. Ula zungaanya lusyomo lwako ciindicimwi kubona eco ncoya kucita. Elyo Uli mukucita cintu nciconya mu buzuba obuno, iifyi, ula cilekela kuboneka mbuli cimpuku kuli nduwe aniini, ku bona awo mpoimvwi, naa usyoma ncobeni.

¹²⁰ Amuyeyye, balo...-ikwiya, bakali salidwe kale a Leza, teeba kazungaana. Teeba ka Ci pandulula, balo, pele teeba kali kuyanda kuputa. Mpawo Wa kasika alimwi, Wa kati . . .

Mbunga eyo yoonse yaka mwaika, zyuulu.

¹²¹ Wa kaambila bali makumi ali ciloba kabakkede awo, bakutausi Bakwe MBA kasalide kuunka kumasena a kuyo kambauka kumbele Lyakwe, Wa kati, “Ndiyo bazungaanya a kubona mpo babede.” Aboobo Wa kati, “Ee, ino muyo amba nzi cindi mwa kubona Mwana wa muntu katanta kuya mu Julu oko Nkwa kazwida?”

¹²² “I Mwana wa muntu kutanta ku Julu? Tula zela nswi a Nguwe, tula lala aa nkowme zya mulonga a Nguwe. Tula lya a Nguwe. Twa kabona cilido cabanyama Mwa ka zyalilwa. Tuli bazyi banyina Bakwe, babunyina Bakwe. Elyo oyo Mwana wa muntu katanta kuya oko Nkwa kazwida? Walo uzwa ku Nazareta! Oku nkwaamba kuyumu.” Ba kamwaika, abalo. Ba kati, “Ta tukonzyi kubona Ceeci.” Nywebo mwabona? Neinzi cakacitika? (Tee kwaka zungaanya basikwiya. Teeba kakonzya ku Ci pandulula.) Boonse babo baka mwaika. Ta ka Ci pandulula. Ta keelede kucita.

¹²³ Sunu tu jisi zisyango, zitegwa Banakristo zijanika mucitikilwa zinji, muntumwi ngo elede kufafaza a kubebeka a kusangabalisigwa, “Elyo sa mula ndipa kkaadi lya luswaanano, sa uyo beleka antoomwe, sa uyo cita ceeci?” Oh, nywebo no cikama ca zisyango zijanika mucitikilwa zinji! Tu yandikana Bunakristo bwakasimpe, bwakazyalwa ku Muuya wa Leza. Elyo tabuka beleki amwi, taakwe cintu cimbi, ta bayandi cintu.

¹²⁴ Jesu wakacebuka, kalanga basikwiya, kati, “Sena mulaunka, anywebo? Sa muyanda kuunka, anywebo?” Wa kati, “Nda kamusala nomuli kkumi ababili, nkabela umwi wanu ngu dyabulosi. Nkaambonzi ta mwiinkki, anywebo?”

¹²⁵ Mpawo Petro wa kaamba majwi ayo aciibalusyo, "Mwami, nkokuli nko tunga twaunka? Tuli lamidwe, tu lizi kuti Uli Kasensa ka Buumi kaka zibwa. Uli jisi Ijwi, alimwi Lyalo biyo. Tuli lamidwe."

Oyu mwanakazi muubauba wakaimvvi awo. Kat, "Ko Ndi letela aakunywa."

¹²⁶ Waa kat, "Ta cili cilengwa, tu jisi lusalululo, ta tu jisi cintu mbuli ceeco okuno pe."

¹²⁷ Wa kamuzibya mpoonya awo kuti kwiina lwandaano akati ka mu Juda na uli oonse. Wa kali Leza. Wa kat, "Koya kalete mulumi wako elyo uboole okuno."

Waa kat, "Ta ndijisi mulumi."

¹²⁸ Wa kat, "Waa amba kasimpe. Waali kujisi bosanwe, alimwi aoyo ngo pona aawe lino tali wako."

¹²⁹ Lino amulangilile mwanakazi oyo. Cintucimwi cakacitika, eyo Mbuto niini yakakanza kensi lya moyo wakwe!

¹³⁰ Cindi Na kaamba Ceeco ku ba Farisi abo, amu balange, ba kazima ncobeni kuli ceeco nco bakali kulibanda. Ba kali kulibanda kuba Banakristo, ba kali kulibanda kuba batobezi, ba kali kulibanda ku Mu yanda. Pele Bwini ni bwakasika, Bwa kabazima.

¹³¹ Pele cindi Eci nicakasika, Ca kaleta ku Buumi, Ca kagusya kusiya a kucibamba kutuba koonse. Kat, "Nkokuli . . ."

¹³² Wa kat, "Munene, Nda ziba kuti Uli Musinsimi. Lino, tee twa kajisi omwe kwa myaka iili myaanda yone." Mwabona? "Nda ziba kuti Uli Musinsimi. Lino, tu lizi kuti cindi Mesiya aboola, cizibyo Cakwe ciyooba musyobo oyo wa bube, Uzo twaambila zintu ezi."

Wa kat, "Nde Ndime ukana kuli nduwe."

¹³³ Elyo, ali ceeco, waa kalosya nongo yakwe ya maanzi, kainka mu muunzi a kwaamba, "Amuboole, mubone Muntu wandaambila zintu Nze kacita. Sena obu tabuli mbubonya bube bwa Mesiya uunanikidwe uuli ndi Ijwi, eelyo lizi miyeeyo iili mu moyo? Sena oyu tali Mesiya?" Oh, ma!

¹³⁴ Amulange, mwanakazi wakali kuciswa kuzwa bulowa, Wa kalizibya kuli nguwe, kwiinda ku bube Bwakwe, kuteeti Wa kali Mesiya. I mwanakazi wakali kuciswa kuzwa bulowa waka Mu ziba, Ijwi.

¹³⁵ Hebrayo 4:12, Bbaibbele lyakati, "I Ijwi lya Leza lila nguzu kwiinda panga lijisi mabemba obilo, a Sikutweluka wa miyeeyo iili mu moyo," (Mbangaye bazi boob?) "mu mizeezeo." Obo mbombubo Ijwi mboli bede. Mula syoma kuti Wa kali Ijwi? Sena mula syoma kuti Ngu mbobuca nguwenya, sunu, amuya myaaka? Uh huh. Eco cila cibamba, ikuti na mula syoma Eco.

¹³⁶ Amubone, oyu mwanakazi muubauba, “Ikuti na Nda konzya ku Mu guma! Nse kwe ndaba obo kunji nkoba Mwa amba. Ndila syoma kuti Uli mbubonya Mbwa kaamba kuteeti Mbwa bede. Ikuti na Nda konzya ku Mu guma, Ndiyo pona.” Aboobo waa kasweemuka kwinda mukati a kuyo Mu guma. Kajokela mu bbunga lya bantu.

Jesu wakaima, a kwaamba, “Nguni wa Ndi guma?”

¹³⁷ Elyo Petro wakasola ku Mu bamba mbuli kuti Wa kali sikuciswa mizeeo, wa kati, “Baa, bantuboонse! Uta ambi zintu mbuli zeezyo, baa, taba kazibi cintu cakuyeeya kujatikizya Nduwe. Ii Muntu wa ciimo Mbo bede caatala ku buleya, elyo mpawo kwaamba, ‘Nguni wa Ndi guma?’ Bantubonse bali mukuguma Nduwe.”

¹³⁸ Wa kati, “Pele Nda limvwa kuti Nda kompama, nsana zyazwa kuli Ndime.” Kalizi kuti cintucimwi cakacitika!

¹³⁹ Lino amulange, amulange eco ciboola, kugambwa kupati kwakatobela. Wa kalanga koonse mane Wa kamu jana, alimwi Wa kamwaambilu bulwazi bwakwe, lusyomo lwakwe lwa kamuvuna. Waa kali... Wa kalizibya mbuli Ijwi lya Leza, mukuziba maseseke amu moyo. Oh, ma! I Ijwi lilatweluka mubili, lilatweluka moyo.

¹⁴⁰ Lino kaindi kaniini buyo, mu kujala. Lino, mbuli ba Hebrayo 13:8 mboili bwini, “Ngu mbobuca nguwenya, sunu, amuya myaaka,” sena mula syoma Obo? Lino Ndiya busiya zinji awa Nze elede kwaamba. Mpawo, bube Bwakwe buyo Mu zibya lino mu ciindi eci calino, ikuti na Ngu mbobuca nguwenya, sunu, amuya myaaka, mbuli buyo Mbwa kabede kaindi. Sa mbo mbubo? Wa kacisyomezya. Elyo, amuyeeye, bube Bwakwe nce cizibyo Cakwe. Mbangaye ba cimvwisya, tambika janza lyako. Bube Bwakwe nce cizibyo Cakwe.

¹⁴¹ Mbuli baabo bakali kuzwa ku Emau, mbuli Mbwe amba eci. Jesu wakali bambulidwe. Boonse babo baka luuside. Ba kali ku cuumbwe. Lino ba kati, “Muntuumwi wakaboola a kuzo Mu bba.” Buzuba bumwi Wa kayutuka kuzwa mu ziteo a kweenda antoomwe a mbabo, mbuli Mbwa kali kuya ku Emau. Elyo ba kati...

Wa kati, “Nkaambonzi nywebo—nkaambonzi nywebo nco muuside kapati?”

Wa kati, “Ee, Uli mweenzu ncobeni okuno.”

¹⁴² Elyo mpawo cindi Na kabanjizya mukati, Wa kacita cintucimwi mbubonya mbuli Mbwa kacicita kakutanaba kubambilwa Kwakwe. Bwakali bube Bwakwe bwa kucicita munzila eyo. Elyo cakufwambaana bakaziba, ku bube Bwakwe, kuti oyo wakali nguwenya Jesu waka bambulidwe. Ameni.

¹⁴³ Leza waka Mu busya kuzwaku bafu, alimwi sunu bube Bwakwe, mbuli mbobubede, mbubonya mbo bwakabede kaindi!

Elyo kubweeda kwa mazuba akwa Sodoma, mbuli Jesu mbwa kasinsima, cintu nciconya ceelede kucitika “cindi Mwana ano yubununwa ku bantu.” Ncizibyo ca bube Bwakwe. Hebrayo 4:14 a 15, “Walo eno Mupaizi wesi Mupati ukonzya kugumwa ku kulimvwa kwa kulengauka kwesu,” mbuli buyo Mbwa kabede kaindi. Sena mula syoma obo? Kulengauka kwesu kula Mu guma. Ee, na inga kwa Mu guma, mbobuti mbwanga Wa lilemeka ikuti na Ngu mbobuca nguwenya, sunu, amuya myaaka? Bube Bwakwe inga buno kozyenye. Nkokuti inga Wa lilemeka mbuli Mbwa kacita cindi mwanakazi nakaguma cikobela Cakwe. Sena mula syoma obo? Ula pona lyoonse, Ula pona lyoonse, alimwi bube Bwakwe buci Mu zibya sunu mbuli Mbwa kabede kaindi. Sena mula cisyoma a moyo wanu oonse? Leza, lalizibya kwiinda ku bube Bwakwe, bula Mu zibya.

Atu kotamike mitwe yesu.

¹⁴⁴ Taata Wakujulu, tuli baalumi a banakazi buyo bakkede awa sunumasiku. Pele tuli, mbuli mbo kwakabede, kulanganya Leza cindi twa langanya Ijwi. Elyo, Taata, inga Nda yoowa kusola kwaamba cintucimwi catali waano. Inga ndayoowa kusola kubikka bupanduluzi bwangu bwini ali Ncico, nkaambo inga kabutali mbubo. Elyo Wa kati, “Kufumbwa muntu uyo gusya Ijwi lyomwe kuli Ndilyo, na kuyungizya ijwi lyomwe kuli Ndilyo, cibeela cakwe ciyo gwisigwa mu Bbuku lya Buumi.” Ino mbubotu nzi buumi bwangu mbobunga bwaba mpawo, Mwami, ikuti na Nda cita cintu cibi mbuli ceeco? Aboobo Ndi Ca amba buyo nzila mbo Ci bede.

¹⁴⁵ Elyo, Taata, Wa kasyomezya kuti Uyo Li tondezya. Nda syoma Wa kabuka kuzwa ku bafu, myaka ili zyuulu zyobilo zyakainda, alimwi ucipona sunumasiku, kwiita bantu ba ciimo caansi mbuli buyo Mbo kacita lyoonse, omwe *awa a* omwe *awo*; kwiina makamu, kwiina tubunga, kwiina ziyanza zilemu zya ceeco muntu nca kacita. Pele Wa kaamba kuti Uyo gusya bantu kuzwa kuli Bamasi, bantu, “Bobilo mu muunda; Ndiyo siya omwe, tola omwe. Bobilo mu bulo; Njo siya omwe, tola omwe,” bantu awa a kokuya, nkambo ka Zina Lyako, Nabwiinga.

¹⁴⁶ Nda syoma kuti bube Bwako bula Ku zibya. Wa kasyomezya, “Mbuli mbo kwakabede mu mazuba akwa Sodoma,” mbubonya mbo ciya kuba cindi Wa noyubununwa, Ijwi. I Ijwi Lini, lya oora eli, lyeelede kuliyubununa Ijwi Lwalyo, mbuli Ijwi mbo lyakasika ku basinsimi. Elyo, Taata, tula bona Johane kaimvwi awa aa nyika, nkabela ndeelyo i—i Ijwi ndya kali kuyubununa. Elyo Bbaibbele lyakati, “I Ijwi liboola ku basinsimi lyoonse.” Elyo Ijwi lyakaba mu mubili wabantu, aboobo Ly akeenda kunjila moonya mu maanzi, kuli Johane. I Ijwi lya kaboola ku musinsimi.

¹⁴⁷ Taata, Leza, boola sunumasiku, Nda komba, alimwi tu gwasye. Kogwasya kutasyoma kwesu. Kotu lekelela tumpenda

twesu. Koponya balwazi a bapengede. Lyomwe Ijwi kuzwa kuli Nduwe, Mwami, liyo amba kunji kwiinda cintu cili coonse muntu uli oonse nca konzya kwaamba. Yebo Ko kanana buyo, Taata, Ijwi lyomwe buyo liyo amba kunji loko. Lino, Nduwe mbobuca nguwenya, sunu, amuya myaaka. Twa lipa Iwesu kuli Nduwe lino. Elyo twa lomba kuti cindi twa zwa a kuunka mu maanda esu sunumasiku, tuyo amba mbuli baabo bakali kuzwa ku Emau, cindi niba ka Mu bona kacita cintucimwi ca kuzibya kuli mbabo kuti Wa kali Mwami wakabuka. Takukwe makani kunji oko bakaamba kuti, “Ba ubba mubili Wakwe, alimwi—alimwi ba kacita *eci*, *eco*, na *cimbi*,” ba kalizi beni kuti Wa kabuka kuzwa ku bafu. Sa toko Li tondezya Omwini kuba muumi kuli ndiswe alimwi? Elyo kwiita baabo mu muunzi oyu mubotu a beengelede, abo baka salilwa Buumi, kuli Nduwe. Nkambo twa cilomba mu Zina lyा Jesu. Ameni.

¹⁴⁸ Lino, Ndiyo mulomba lino kutandila maminiti ali kkumi aosanwe. Tuyo muka buyo kutandila maminiti ali kkumi. Ndiyo binda. Ndi yanda kwiitila makkadi aa mipailo. Nda syoma Billy...G, makkadi aa mipailo G, sena nge ngawo ngoba vozya? G, makkadi aa mipailo G, andi bweze lyomwe kusikaku kkumi aosanwe na makumi obilo, cintucimwi. G, lyomwe. Mbangaye...Nguni wa jisi G, mweelwe mutaanzi, tambika janza lyako, kubona na nkolili. [Kabeela katakwecintu aa teepu—Mul.] Elyo, amuyeyeye, amu jatilile makkadi anu aa mipailo, mula kombelwa. Ikuti na tobweza sunumasiku, tuyo libweza. Litaanzi, lyabili, lyatatu, lyane, lyasanu, lyacisambomwe, lyaciloba, lyalusele, lyafuka, lyakkumi, mpoonya awa cakufwambaana mbuli mbo mukonzya, alimwi akweenda nkoonya okuno a kunjila mu mundando. Ncibotu. Litanzi, lyabili, lyatatu, lyane, lyasanu, lyacisambomwe, lyaciloba. Otatwe taako omuya. Lyaciloba, lyaciloba, a litaanzi, lyabili, lyatatu...Aba lile, Roy, kuli ndime. Ncibotu, lyakkumi. Ncibotu, litanzi kusika kuli lyakkumi. Kkumi aosanwe lino, G, litanzi kusiku kuli lyakkumi aosanwe, eelyo ngu kku...na lyakkumi, kkumi alimwi, kkumi aobilo, kkumi aotatwe, kkumi aone, kkumi aosanwe. Ncibotu. Atu—atu ime awo, nkoonya oku. Ncibotu.

¹⁴⁹ Lino tu—tu sola kubamba ijwi lyesu, mwabona, katu kotokede aa nainitheeti, pele ta tuko cicita sunumasiku, Ta-Ta-Ta ndizi. Pele lino Ndi yanda muntu oonse kupakamana maningi.

¹⁵⁰ Lino, ikuti na Nda kanana Bwini a kumwaambila kuti zintu ezi zyeelede kuba, alimwi nzeezi mu Bbaibbele, kuti eli nde oora. Antela mwa kayiisigwa mu cikolo cimbi. Mbubonya ba Farisi mbo bakabede. Pele Bbaibbele lya kati, mu buzuba obo, “Ii nakalindu uyo mita.” Wa...Waa kacita. Wa kati bube bwa Mesiya buyooba *boobu*. Mbo bwakabede. Pele tii baka Bu syoma. Eco tii caka Mu lesya kuzumanana ncobeni mbubonya.

Mbo cibede lino. Tu pona mu maoora aamamanino aa buzuba bwamamanino.

¹⁵¹ Sayaansi yaamba kuti kwasyaala maminiti otatwe kusika aakatikamasiku. Ndi yeeya cainda kale cindi mbuli mbo cibede lino, kapati kufumbwa ciindi. Kkomunizimu yadonkaula kunyonganya cisi, alimwi bakambausi batobelala kkomunizimu mucibaka ca Kristo. Ciboneka buyo mbuli kuunka kusampaula eco, nkaambonzi kutabona oora ndyo tu ponamo? Kkomunizimu, ta tujisi... Ma, ma! Nse yoowi kkomunizimu. Nkuboola kwa Mwami kuyo mujata kamuta libambilide, mbo cibede, ku mbungano. Lino muntu oonse alekwe, amulekele America yoonse ilange kuli Leza, a kulangilila eco cicitika ku kkomunizimu. Mwe elede kujana bulwazi, elyo mpawo kujana cisilisyo.

¹⁵² Lino, bantubonse babatame, akaka mutendeendi. Lino, mbangaye oko bata jisi kkadi lya mupailo, alimwi tuyanda Leza kumuponya? Tambika buyo janza lyako, kwaamba, “Ndi—Ndi—Ndi—Ndili mukusyoma.” Takukwe makani na awo mpobede.

¹⁵³ Lino amulange, Nda syoma *eyi* ilabeleka, [Mukwesu Branham waumauma a kufulida mu maikrofooni—Mul.] *eyi*. Ncibotu. Ikuti na ujisi... Sa mula konzya kundimvwa kusule awa? Ncibotu. Ncibotu. Lino cilangilile, Mukwesu Roy.

¹⁵⁴ Lino, Ijwi lyomwe kuzwa kuli Leza liyoamba kunji kwiinda koonse Nkwe konzya kwaamba.

¹⁵⁵ Lino, mbuli kulanga kuzwa waano, nciyumu, eci—eci mbo cakabede lyoonse. Mwabona, mimuni ili nkoonya ku busu bwanu, alimwi cibaanga nciyumu kubona okuya kubona bantu.

¹⁵⁶ Elyo Nse zyi. Nse konzyi kubona muntu omwe, mubwini, Ngwe konzya kubona lino oyo Ngwe zyi. Mbangaye banu beenzu kuli ndime, tambika janza lyako, ulizi kuti kwiina Nce zyi kujatikizya nduwe. Nda yeeyela koonse. Mbangaye bali mu mundando wa mipailo bazi kuti taakwe Nce zyi kujatikizya ndinywe? Amu tambike maanza anu. Katalikila ku mundando wa mipailo awo, ikuti na mula konzya kundi mvwa, amu tambike maanza anu ikuti na—ikuti na Ndili mweenzu. Nyoonse.

¹⁵⁷ Lino ino Nguni? Walo Mupaizi Mupati ukonzya kugumwa kwiinda kukulimvwa kwa kulengauka kwesu. Uulya mwanakazi wakaguma cikobela Cakwe, kwayanda tako jisi kkadi lya mupailo, alakwe, pele waa ka Mu guma alimwi, cindi na kacita, cintucimwi cakacitika. Lino amu gume munzila njionya, amu Mu gume. Mbangaye bazi kuti ba Hebrayo, cipati ca 4, yaamba kuti, “Lino Walo Mupaizi Mupati ukonzya kugumwa kwiinda ku kulimvwa kwa kulengauka kwesu”? Mbangaye ba cizyi? Ee, sa inga Wa tondezya bube Bwakwe mbubonya? Ikuti na Ngu mbobuca nguwenya, sunu, amuya myaaka, Inga wacita. Ncibotu. Lino, eci ngu... .

¹⁵⁸ Mukwesu Pearry, ko baleta kuli ndime lino. Lino Ndi yanda oonse kubatama kapati. Mpoonya awa, mpoonya awa buyo, mucizi.

Lino, sena mula konzya kundi mvwa? Lino, Nse zyi. Amu langilile oyo mbwabede i—i injinia awo, nkaambo Nse zyi nzila.

¹⁵⁹ Ii cilengaano. Lino, amuyeeye, Nseli Mesiya pe, Nseli Kristo. Pele Mpali ano. Ncencico Nce sola kumubamba kuti mubone, Mpali ano, Ula bamba Ijwi Lyakwe.

¹⁶⁰ Lino, ikuti na mwanakazi oyu ulaciswa, Nse zyi. Nse muzi pe. Mupati kwiinda Ndime. Antela twa kazyalwa myaka itantamukene, a mamaile atantamukene, eci nce ciindi cesu citaanzi kuswaangana.

¹⁶¹ Lino, eco cili mbuli buyo Mwami wesi mbwa kaswaana mwanakazi, mu Musalali Johane 4. Ndi sola kucibamba antangalala kutegwa muta kakilwi kucibona, mpawo, ku Mungwala wa Lubeta, takukabi bulowa ku maanza angu ku buzuba obuya. Lino, Jesu waka syomezya mu mazuba aakumamanino kuti eci ciyo citika alubo. Mbuli mbo twiinda mu mvwiki, muyo bona. Calo ncisyomezyo.

¹⁶² Lino, Nse muzi mulindu, oyu mwaalumi a mwanakazi baswaangana ku ciindi citaanzi. Lino, ikuti na Mwami Jesu uyo ndiyubunwida kaambo ncoli waano, na muntuumwi umbi, na eco nco cita, na cilubide kuli nduwe, na eco nco kacita, ikuti na nzya mali, camu ng'anda, kufumbwa mbocibede, ciyo elela kuzwa ku Nguzu zimwi ziindakugambya, nkaambo Nse kuzi. Mbangaye bayo peda bumboni kuli ceeco, ceelede kuboola kwiinda ku Nguzu zindakugambya? Lino, inga wasobana mbuli Mufarisi, kwaamba nci... (Koonse ku lubazu lumbi, Mukwesu Roy, wabona.) Inga mwasobana mbuli ba Farisi, a kwaamba, "Walo muuya mubi," obo banji mbo bacita. Eco cili akati ka nduwe a Leza, mpawo. Mpawo uli jisi bulumbu bwabo. Pele ikuti na waamba, "Nca Leza," mpawo uli jisi bulumbu Bwakwe. (Lino, eco cabota. Nda mulumba.)

¹⁶³ Lino kondi langa buyo kwakaindi kaniini. Mbuli Jesu mbwa kati... Mbuli Petro a Johane kabainda mu mulyango uutegwa Mubotu, kati, "Ko ndilanga." Nse—Nse kuzi pe. Elyo lino Muuya Uusalala, Muntuumwi kutali ndime, ula boola a kuyubununa eco cili mu moyo wako, mpawo Bbaibbele lyakati, "I Ijwi lya Leza lila bosya loko kwiinda panga lya mabemba obilo, Sikutweluka wa miyeyeo, makanzee aa moyo." Mbombubo Bbaibbele mbo lyaamba. Lino, eco mpawo ciyubununa maseseke aa moyo. Lino, obo inga bwaba bube bwa Leza, Ijwi lya yubululwa mu buzuba obuno. Mbangaye lino basyoma boobo? Ncibotu. Uh huh. Lino mwabona mbo cibede na?

¹⁶⁴ Lino Nda cikambauka, ku mwaambila makani a ncico, pele nca bwini? Eco ncecintu citobela, mwabona. Lino, ikuti na nca bwini, nyoonse nywebo... Ikuti na nca bwini, uyo ciziba.

Incobeni, uyo ciziba. Muyo ciziba, anywebo. Pele ikuti na tacili ca bwini, mpawo Ndapa—Nda—Ndapa bumboni bwa cilubide ica Kristo. Ikuti na nca bwini, umwi aumwi wanu weelede kupa moyo wakwe kuli Nguwe, weelede ku Mu syoma a moyo wako oonse, a kuswenena a ku Mu tambula kuli coonse nco bulide. Obo mbwini.

¹⁶⁵ Lino akube kuti Muuya Uusalala Mwini ulizibye mu Zina lya Jesu Kristo. Lino, Nse jisi muzeezo wa ncoli waano pe. Yebo uboneka buyo mbuli mwanakazi mutumbu, uboneka kabotu wiimvwi awo, nkabela nku koonse Nkwe zyi kujatikizya nduwe. Pele Muuya Uusalala ula konzya kuyubununa kaambo ncoli waano, penzi lyako mbolibede, na cintucimwi. Uyo ziba naa mbwini na pe. Lino, uli, ncinzi nco yandila mupailo, ncintucimwi mbuli milambi ku busyu bwako. Zya bulwazi bwansinga zyakuyeyela, mbo kuboneka, ku busyu bwako. Lino, ikuti na eco cili luleme, tambika janza lyako. Sena ula syoma?

Lino, lino inga waamba kuti, “Wa ciyeeyela buyo eco.”

¹⁶⁶ Lino, walo muntu mubotu. Lino, kolanga buyo okuno kwa kaindi kaniini, mucizi. Ta ndizi eco Nca kwaambila. Pele kufumbwa mbo cabede, cali ca bwini. Uli—uli kamboni wa ceeco lino, embo na? [I mucizi waamba, “Mbo mbubo.”—Mul.] Mbo mbubo. [“Kwa myaka iili makumi obilo.”] Ma! Ula syoma na kuti Leza uyo kuponya nkambo ka ceeco? Lino, ulizi Bwalo Mbusu Bwakwe, kuli Cintucimwi awa cikuzi, Cintucimwi. Mbuli Jesu mbwa kaambila mwanakazi, Wa kalizi awo akali penzi, lino Wa lizi awo ali penzi lyako.

¹⁶⁷ Elyo ciboneka kuti ujisi mukuli wa muntuumwi umbi. Ngu wako... Walo mwaalumi, walo mulumi wako. Mpali ano, awalo. Mbo mbubo. Elyo—elyo ula syoma kuti Leza inga wandi yubunwida penzi lya mulumi wako? [I mucizi waamba, “Iiyi, Nda cita.”—Mul.] Walo muntu ucisidwe maningi, ujisi bulwazi bwa buyumuyumu kusilikwa. Cintu comwe cimu penzya, ndi penzi lya moyo. Ujisi penzi lya moyo. Ikuti na mbo mbubo, tambika janza lyako. [“Mbo mbubo.”] Alimwi ujisi kubobela kwacizo ku bulambo bwamubili. [“Mbo mbubo.”] Mbo mbubo. Mwabona? Kuli luleme? Inzya. Kulibilika maningi, inzya, kulibilika maningi. Obo mbwini, tabuli boobo? [“Iiyi.”]

¹⁶⁸ Ikuti na Jesu uyo ndiyubunwida! Wa kaambila Petro obo mbwakabede. Ikuti na Uyo ndiyubunwida obo mbobede, sa uyo syoma kuti Nguwe? [I mucizi waamba, “Inzya.”—Mul.] To zwi kokuno pe. [“Peepe.”] Yebo uzwa kujwe okuno, yebo uzwa ku Louisiana. [“Mbubo.”] Mbo mbubo. Mbubo. Elyo zina lyako ngu Muka. Coleman. [“Mbo mbubo.”] Kobweeda ku ng’anda, Jesu Kristo waku ponya. Lusyomo lwako ndo lwacita kuponesegwa kwako.

¹⁶⁹ Lino syoma. Sena ula syoma a moyo wako oonse? Jesu Kristo kalizibya Mwini mu bubuke Bwakwe! Sa mwabona Nce

pandulula? Lino, umwi oonse uujisi kuyeeya kubotu, ulizi kuti taakwe muntunsi ukonzya kucita ceeco.

¹⁷⁰ Lino, nywebo oko, amwambe kuli Leza mbuli boobu, “Ndi—Ndi—Ndi lizi muntu ta ndizi pe, aboobo Ndiyo kombela cintucimwi. Mwami, sena Ndi gume cikobela Cako? Ikuti na mbocibede, nkokuti Koli zibya Omwini mu bubuke Bwako. Konyona, kondi lekela Ndi kugume, elyo mpawo Ko kanana kwiinda muli nguwe kuli ndime.” Bona eco cicitika. Kocisola buyo.

¹⁷¹ Mwapona, munene? Sa inga wa boola munzila eyi munsi buyo aniini? Kuli bantu kusule maningi okuya, wabona.

¹⁷² Zintuzyonse lino, ngu muuya wako oonse—oonse, mbuli buyo kuzunta kwakucisa. Ula cijata, wabona, akwalo kuziba kuyeeya kwabo, alimwi cila jata, wabona, Ula nyongana koonse.

¹⁷³ Sena ula ndisyoma kuba mulanda Wakwe? Sena ula syoma kuti Kristo inga wandi yubunwida ncoli waano? Koyeeya, tuyo swaangana ku Mungwala wa Lubeta a kupeda bulunguluzi bwa ceece sunumasiku. Sa ulizi obo? Penzi lyako, limwi lya ngawo, lili ku musana wako. Ujisi mapenzi manji. Ujisi penzi lya musana. Elyo meso ako ayabuya, ujisi penzi lya meso. Ikuti na mbo mbubo, tambika janza lyako. Lino, alimwi uli mukucita cintucimwi neco yanda kuleka. Sa cili kabotu kuli ndime ku caamba? Uyanda kuleka kufweba oko. Elyo—elyo cintu cimbi, wakali jisi lyoonse . . . ulimvwa kuti nce cintu cakali kukusinkila kutambula Muuya Uusalala. Lino uyanda kutambula Muuya Uusalala, oko nkokuyandisa kwa moyo wako. Mbo mbubo, Kovukauzya maanza ako mbuli *obu*. Ee, kwa kusiya lino, koya, tambula Muuya Uusalala, a kuponesegwa. Leza aku longezye, munene.

¹⁷⁴ Mula syoma na? Lino akaka amubatame maningi. Lino tuyu bumuka maningi,amu kkalikile buyo kwakaindi kasyoonto.

¹⁷⁵ Wapona buti? Tuli beenzu kuli umwi aumwi. [I mucizi waamba, “Iiyi.”—Mul.] I Mwami Jesu uli tuzi swebo tobilo. Lino uta yoowi, wabona, ubaanga wa . . . Wabona, koliba buyo, bwalo Mbusyu Bwakwe. Wabona, mbo mbubo. Bwalo Mbusyu Bwakwe. Lino ujisi kulimvwa kweenzu, kugambya maningi, musyobo wa kulimvwa kubotu, mbuli bubombe. Wabona? Lino, kwiimikila mu busyu bwa muntu unga takucitya kulimvwa boobo.

¹⁷⁶ Mbangaye baka sola kubona Mumuni oyo, oyo Musumpululu wa Mumuni, Mulilo? Waka fotolwa moonya omuno mu Texas, ciindi citaanzi, ciindi cabili. Ula lengelela moonya munsi lya mwanakazi, mwabona, muciiimo eci lino. Nda lombozya buyo nimwa . . . ikuti mwabona buyo.

¹⁷⁷ Cindi mwa . . . Amuleke kweendenda: nce cicicita, mwabona. Juunza masiku tuyu oba a mundando wa mipailo eyi kusikila naini okuloko, mwabona, Nda—Nda mukkazika kwa ciindi

cilamfu. Atu bweze mwanakazi oyu omwe, mpawo. Kwakaindi buyo kasyoonto.

¹⁷⁸ Ula syoma, ukkede awo? Iiyi, ku bukompami obo mbo penzegwa abo, eco nce cilubide. Wabona? Ino waguma ni? Nse muzi mwanakazi. Waa guma Mupaizi Mupati. Pele, mwabona, Nda mupede sule lyangu, mbubonya mbo cakacitwa mu ciindi ca Abrahamu. Awa, langa munzila eyi, mucizi, kwakaindi buyo kasyoonto. Uboneka kuba a mukuli ku moyo wako. Mbo kubede. Ngwa mwana wako musimbi. Ujisi penzi lya matwi. Mbo mbubo. Ula syoma lino a moyo wako oonse? Ncibotu, kosyoma buyo lino, nkabela uyooba kubotu.

¹⁷⁹ Mwabona Nce wamba? "Ikuti na mwakonzya kusyoma, zintu zyoonse zila konzeka." Mula syoma?

¹⁸⁰ Ngooyo mulindu muubauba wapilusya janza lyakwe ansi, ula ngide nkoonya kuli ndime. Uciswa kuba anyota a kusuba maningi. Sena ula syoma kuti Leza uyo ponya kuba nyota a kusuba maningi oko, ukkede acuno awo? Ncibotu, inga wa tambula eco ncowa lomba, mpawo. Kosyoma buyo.

¹⁸¹ Mulindu oko kuzwa kuli nduwe, ujisi penzi lya mu mala a penzi lya subilo. Sena ula syoma kuti Leza uyo ponya elyo, kubamba elyo kuba kabotu? Ncibotu, inga wa tambula ncowa lomba. I janza lya mulindu muubauba. Mwabona, lino amulange, amu mubuzye, Cintucimwi cibotu loko ca muvumpa. Mwabona, lusyomo lwakwe, ndo lucicita. Ta ndili ndime. Ngu Leza.

¹⁸² Ngooyu, ngooyu mwaalumi uukkede nkoonya okuno ku mamanino. Ujisi penzi lya tupako twa kuyoyela, oyu muntu mudaala ukkede mpoonya awo kandi langide. Ula syoma kuti Leza uyoponya ceeco, munene? Umwi oyo ukkede kutobela nduwe uciswa bulwazi bwakuyambukilwa mu mibili wakwe. Mbo mbubo, mucizi, kovukauzya katambala kako ikuti na mbo mbubo. Ncibotu. Ncibotu, nyoonse amu bikke maanza ali umwi aumwi, amu syome a myoyo yanu yoonse. Taata a mwanamusimbi, nkambonzi kutaba obo? Amu bike maanza ali umwi aumwi a kusyoma a moyo wanu oonse, Jesu ula mubamba kuba kabotu.

Nda—Nda zundikizya lusyomo lwanu kuti mu cisyome!

¹⁸³ I mulindu ukkede nkoonya kusule lyakwe, uciswa penzi lya mwida. Ula syoma na kuti Leza uyo kubamba kuba kabotu, mulindu? Eelyo ndepenzi lyako. Ikuti na kuli luleme, koimikila ku matende ako kutegwa bantu bakonzye kubona. Mwabona? (Nguni ngwali mukuguma okuya?) Waamba, Nse lubizya, mbaabo banyoko bakkede kutobela nduwe oko. Bajisi bulwazi bwakuyambukilwa mu mala abo. Ula syoma na kuti Leza uyo ponya eco, mulindu? Koimikila, akwalo, a kuponesegwa.

¹⁸⁴ Kosyoma! Ngu mbobuca nguwenya, sunu, amuya myaaka. Ula lizibya Mwini. Sena ulandi syoma kuba musinsimi

Wakwe, na mulanda? Eco cilebya bantu, kwaamba kuteti “musinsimi,” taba mvwisyi.

¹⁸⁵ Kolanga okuno. Sena ula syoma a moyo wako oonse? Uciswa kulibilika maningi. Ula syoma na kuti inga Nda kwaambila ca kacitya boobo? Wa kali muntenda ya mootokala. [I mucizi waamba, “Mbo mbubo.”—Mul.] Mbo mbubo. Mbo mbubo, kupwayauka kwa mootokala, kwaka cisa musana wako a mukati ka kkuko lyako. Sa mbo mbubo? Kuyo kusiya ono. Ciindi buyo ca buumi acalo caka cipenzya, ku cikopanya, pele uyooba kabotu. Koya, kosyoma a moyo wako oonse. Jesu Kristo ula kubamba kuba kabotu, ikuti na uyo syoma. Ameni.

¹⁸⁶ Ula syoma na? Ula syoma na kuti inga Wa ponya coondamazwi? Ee, kozumanana buyo kweenda mpawo, Uyo kubamba kuba kabotu.

¹⁸⁷ Mbangaye basyoma a moyo wanu woonse, kwaamba, “Nda syoma ncobeni a moyo wangu woonse”? “Ikuti na mula konzya kusyoma!”

¹⁸⁸ Ula syoma na kuti Ula ponya kuba anyota a kusuba loko, a bulwazi bwa shuga, a kwaaponya? Ula cisyoma na? Kozumanana buyo kweenda, kwaamba, “Mwami, Nda Ku lumba kuli ncico.” Kocisyoma amoyo wako woonse, nkabela uyo ponesegwa.

¹⁸⁹ Mbangaye basyoma oko lino, a moyo wanu woonse? Tamu, bwene, mula zunguluka, mula Ci nyonganya, beenzuma. Nda mwaambila, mbangaye basyoma? Kotambika buyo janza lyako, kwaamba, “Nda syoma a moyo wangu woonse.”

¹⁹⁰ Lino Ndiyo mulomba kucita cintucimwi. Lino, ikuti na Jesu wabamba Ijwi Lyakwe, a kusyoma boobo, alimwi wa citondezya kuli ndinywe, Jesu awalo wa kaamba ceeci, kutuma Kwakwe kwamamanino ku Mbungano Yakwe, “I zitondezyo ezi ziyo batobel abo basyoma.” Lino mbangaye basyoma? Wa kat, “Ikuti na baka bikke maanza abo aa balwazi, bayo pona.” Sena mula cisyoma cisymezyo eco? Mpawo kobikka maanza ako aa muntuumwi uli munsi lyako.

¹⁹¹ Ikuti na Ta kuponyi, uyo fwa. Yebo uvunikilidwe cimvule. Pele Jesu Kristo ula kubamba kuba kabotu. Sena ula cisyoma? Ncibotu, kobikka ako...kozumanana a kusyoma lino, nkabela uyooba kabotu.

¹⁹² Koboola, mulindu. Sena ula syoma kuti Leza uyo ponya TB eyo a kuba anyota a kusuba loko, ku kubamba kuba kabotu? Kobweza...Ncibotu, koya, kosyoma a moyo wako woonse, a kuba kabotu.

¹⁹³ Kukomba, sa mula kombelana? Amubikke maanza anu ali umwi aumwi, atu kombe buyo, boonse antoomwe. Bantubonse babikke maanza ali umwi aumwi. Ciindi ciya bumana. Amubikke maanza ali umwi aumwi, elyo atu kombe.

¹⁹⁴ Mwami Jesu, tuli masimpe Leza ulalizibya Mwini akati ka bantu Bakwe. Bube Bwakwe, mbuli mbobuca nguwenya, sunu, amuya myaaka, kuyubululwa beni. O Mwami Leza, Yebo Wa kaanza cisyomezyo ca Ijwi, Wa kati, “Zitondezyo ezi ziyo batobelwa abo basyoma. Ikuti na baka bikke maanza abo aa balwazi, bayo pona.” Bantu aba balyaamba kuba basyomi, basyomi muli Jesu wakabuka Oyo uli mukulizibya Mwini lino ku bube Bwakwe mbubonya obo Mbwa kabede cindi Na kali waano aa nyika, kubamba Magwalo kuba Bwini butonkomene, kuti Ngu mbobuca nguwenya, sunu, amuya myaaka. Mwami Jesu, antoomwe basyomi aba kaba bikkide maanza abo ali umwi aumwi, mu Busyu bwa Buleza ibwa Mwana wa Leza, wakabuka akulizibya Oyo waba mu mibili wabantu akati kesu alubo sunumasiku mu mibili ya basyomi Bakwe, Nda lailila myuuya mibi yoonse, kuciswa a malwazi oonse, kuzwa mu bantu aba, mbuli basyomi aba mbo babikkide maanza abo ali umwi aumwi. Mu Zina lyा Jesu Kristo, akube booboo.

¹⁹⁵ Boonse bayo syoma kuponesegwa lino, abo basyoma boobo ndyoonya lino, mu Busyu bwalizibya bwa Mwana wa Leza wakabuka, kuti mula syoma kuteeti mwatambula kulomba kwanu, alimwi bayo zibya cintu nciconya, koimikila ku matende ako a kwaamba, “Nda kutambula a moyo wangu oonse.” Amwiimikile, nyoонse, mu Busyu bwa Jesu Kristo, abo bayo syoma. Amu Mu tembaule! Amu Mu pe lutembaulo a bulemu. Amutambike maanza anu a ku Mu pa kulumba. Leza uyo tondezya zisyomezyo zyoонse Nzya kapanga.



LEZA ULAZIBWA KU BUBE BWAKWE TNG64-0311
(God Is Identified By His Characteristics)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwatatu mangolezya, Miyoba 11, 1964, ku Municipal Auditorium mu Beaumont, Texas, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org